





棗林外索目錄

曹操

銅雀臺

山陽公

魏塚

產異

曹操廟

陳琳

鵲巢非利

詩調

鬱林石

妻甥女

鄧艾廟

西山仙童

伯瑜

洛神

石人

王祥

管辰序 凡路傳

衛瓘璧女

羊祐碑

蔡襲

鄧殷

劉伶

品官占田

高里

阮籍

洛陽舊穴





秘集

李氏六龍

葛洪

韓壽

鍾離權

郭璞

博物志

綠珠

秦女休

桃葉歌

毛寶放龜

張翰秋風歌

梅賾增書

梁山伯

衛夫人

黃鶴

黃愁

王羲之墓

蘭亭

鳩摩羅什

謝安別墅

西戲馬臺

許真君

孫恩尙党

桃源漁人

陶潛

柴桑令

外孫記外祖遺事

慧遠

白蓮社

西夷上表

沈慶之書

鮑照

井錦

水貢

州氏

沈麟士抄書

玉兒玉奴

鍾山墳銘

昭明太子墓

餘映

陶籍

後梁春秋

白胤

白樓

後魏謠

後魏石像

地下受歲

劉畫

張澄

木蘭

晉末僭亂

前溪

中說元經

墨蹟

陳後王子

景陽井銘

鼓山神鉦

石經

佛圖戶



七聲

智者大師

白王

丁現

隋堤

補隋忠臣

宗室世系

秦王山

斗口峪

高識傳

避諱

劉黑闥

薛仁果

入閣儀

朝元閣

鑄錢郡字

直棘

龍毛

袁天綱題石

麻姑

諸陵

尉遲敬德城隍州

高宗論史

木葉遼陽

花黃果黃

章懷太子墓銘

李龍遷墓

稷山都督府

何仙姑

駱賓王

女論語

長生殿

太甲

武城閣

花鳥使

李如暹

滕王元嬰

追貶楊素

梵勅

一行

玄宗見道

天子別號

戒牧宰碑

宋璟薦鄭勉

鳳爪傷龍

張萬歲王毛仲

亢倉子

楊貴妃

聽鷓鴣聲

公主入道

張九齡

元寶迴文詩

安祿山反兆

畢炕

李林甫詩

王維

端正樹

金帶補

內臣妻

讓國



南霽雲

于休烈

孝經

佛經

春秋

寒食

邯鄲夢

八閩齋會石幢

韋應物

元結

杜甫詩籤

花卿

王母馮

小寒食

李伯禽

蔡汝

和自

僧懷濬

韓家莊

大顛

韓木

退之像

茶仙

綠野堂

陽城驛

孫樵家僮

白雪樓五容

釋道英

董召南故里

賈島

吐蕃

石經

門墩

偽書

甲門

度外星辰

錢塘公館詩

六詔

星命

軌革掛影

雀鶯

薛濤井

唐曹因墓誌銘

陌孺子孫

呂岩

東都九老會

麒麟草

旱藕

石忠孝

舉直禪師

申包胥廟誤

聖米

晉聞禪師

林慎思續孟子

羅隱

奚冠耳面

楊筠松

皮日休

香奩集託名

孫觀及第



乾陵

冢鬼上書

朱葆光

通腸末

如京使

康王重瞳

契丹辨壘

孫印

內黃

李崇礼

王審知

王延均母家

劉隱祖

吳越改元

吳越備史

吳越貢道

南唐程式

南唐劉仁瞻像

孟賓

胡嶠陷虜記

喬元陸軌

宋初藏書

柴世宗二子

孟昶男

樊石冰

王彥昇餒死

宋制

留鎮賜第

曹彬殺鍾情

改姓

水灌太原

土司世姓

定七夕

戟門

鄉墨

王禹偁與馮亢書

李煜被禍

記殘經

輕賦

异獸

楊繼業

手單

宦尼

制科

梁顯

王昭遠

王等子

鄉舉

古成之

腹兄

呂蒙正土室

三至堂

天子門生

同名丁謂

葉武

寇準柘枝舞



及門

水部文宗

之信也

又

上海圖書館藏

棗林外索

曹操

曹操有發印中即摸金校尉二官 南齊廢帝子業亦置之願  
於建安王休仁山陽王休祐 魏武短歌行何以銷憂惟有杜  
康 詳康字仲寧

銅雀臺

銅雀臺 鄴城西北北則冰井臺南則金鳳臺三臺相去各六十  
里後樓臺俱燬土人掘地得瓦色頗青內平榮印工人姓名皆  
八分隸書研譜云人得此瓦為研貯水數日不污鄴中記曰北

棗林外索

益官談遷孫木輯





齊起鄴南城瓦屋皆以胡桃油之光明不滲筒瓦用在覆甃油  
其背版瓦用在仰甃油其面筒瓦長二尺闊一尺版瓦之長如  
之而其闊。今得其真者當油處必有細紋俗曰琴紋有白  
花曰錫花傳言當時以黃丹鉛錫和泥積歲久而錫花乃見古  
磚大者方四尺上有盤花鳥獸紋千秋萬歲字其紀年非元寶  
則興和蓋東魏北齊也又有磚筒者花紋年號如磚內負外方  
承簷溜亦可為甃鄴人有言曰銅雀瓦研體質細潤而堅如石  
不費筆而發墨此古所重者而今絕無蓋魏去今千有餘年村  
夫剝土求之聚衆踰年不得鄴民乃偽造以給遠方王安石詩  
曰吹盡西陵歌舞塵。當時瓦屋始稱珍。甄陶佳一成今手尚託

虛名動世人。宋刺史李琮嘗言元豈初于丹陽卻不疑家得唐  
丙申歲元次山家藏鄴城古磚背有花紋及萬歲字與鄴中記  
合又曰大魏興和二年造則唐賢所珍已出于南矣唐丙申乃  
天寶末年至琮時二百餘載而研可用如新偽瓦之質燥用之  
不能必火力勝也夫甄陶之物土以為質水以和之必得火而  
成火力不勝則土壞而水絕雖有黃丹鉛錫焉能潤澤哉惟古瓦  
與磚沒地中數百年感霜露風雨之盛既必火力已絕復受水  
氣所以含蓄潤澤而資水發墨也。臨漳縣志

### 山陽公

魏奉漢獻帝為山陽公居鄴鹿城在今懷慶修武縣西北六十



里一名山陽城帝後墓城北人呼漢陵今以名村

### 疑塚

臨漳縣西十五里滏陽講武城外凡七十二處森然彌望高者如小山布列直至磁州而止俗曰曹氏疑塚唐蕭冰屋詩安排死去千家塚刻畫生前一片心安得此心如此塚不教人識到於今俞應符詩二首生前欺天絕漢統死後欺人設疑塚人生用智死即休何用餘機到塚壠人言疑塚我不疑我有一洛君未知盡發七十二疑塚必有一塚藏君屍劉溫詩生前詐力蓋中州死後何疑七十丘他日鼎分重禪繼也須認取漢春秋彭剛詩二章金棺何處葬奸欺銅雀臺中夜思不作子孫長久

許空教百里塚纍。西陵千載有餘哀。未黍黃時詔正來。明日却郵城下過。分留殘泪弔叢臺。宋王安石詩青山如浪入漳州。銅雀臺西八九丘。螻蟻往還空隴畝。麒麟埋沒築春秋。京鏗詩疑塚多留七十餘。謀身自謂永亡虞。不知三馬同槽夢。曾為兒孫慮。遠無孫鏃詩曹瞞疑塚七十二。未必遺骸在此間。生自疑人疑不。還留疑跡後人看。焦維章詩履壞香銷不計春。妓魂曹鬼已成塵。就中只有漳河在。風浪於今愁殺人。曹操墓鄴城即高平此也。

崔銑彰德府志曰磁州漳河南北塚纍不絕大小殊狀俗曰

曹氏疑塚往者歲荒民盜發塚皆有屍其一為齊高陽王湜墓



志見存

郡人教諭劉瑄曰疑塚之說載在志籍今古一律不辨其偽誠以訛傳訛昏墮阿瞞計中而不自知其非也瑄生此地為斯民也一得之愚耿々不昧已非一日茲將就正于有道可乎慨自嘉靖八年飢饉大甚窮民發墓以就口實州南諸塚掘發殆盡其間志石皆北齊高歡高帝并宗室塚墓中者祭家尚有志刻一張曰王諱混字湏達齊王第十三子也王既為齊則塚不可疑一也西陳村迤西四塚俗曰四牧塚其寔齊王之四妹塚也妹既為齊則塚不當疑二也三里堡南大路西側塚前碑石題曰公主大額以公主則塚不必疑三也州之西側大塚俗人呼

曰天子塚寔則齊王陵也夫塚為齊王則塚不待疑四也然則古今昏疑而不能白者一則失于無證而輕于信二則徂于見聞而其明三則老瞞之奸踪跡詭秘而難于知也蓋操嘗發梁孝王塚破棺收金其心不正故于已事而過為之防其藏匿諱秘必有人所不知者也觀其遺命之官人歌舞銅雀臺上以望吾陵則其言之誠偽死之存亡未可諒也是則不知死之所存固為不疑塚之七十有二果可疑乎否乎按南史高陽康穆王是神武第十一子也其第十三子為華山王凝今志石稱齊王第十三子可訂史之誤

產異

棠林外索



魏景初元年衛國李善家燕生巨鰐若鶯高堂生曰此魏室之  
天丹防鷹揚之臣於蕭牆之內其後宣帝起遠有魏室按戰國  
策宋康王之時有雀生驥音欺於城之陬使史占之曰小而生巨  
必伯天下康王大喜于是滅滕伐薛取淮北之地欲霸之速成  
射天宮地斬社稷而焚滅見伐于齊國也

曹操廟

唐申屠子迪毀夷陵曹操廟

陳琳

陳孔璋居袁裁書則呼操為豺狼在魏製檄則目紹為虺蛇在  
時若所命不得自專然亦文人之巨患也當務從容消息之顏氏  
家訓

鵲巢非利

魏文帝景初元年凌霄閣始構鵲巢其下帝以問高堂隆對曰  
詩云維鵲有巢維鳩居之今興起宮室而鵲來巢此宮室未成  
身不得之象也於是帝改容動色萬曆中平湖陸太守光祚  
于卜宅始卒鵲巢鵲太守聞之不憚引詩為券後果如其言

詩謠

劉公幹贈五官中郎將詩昔我從元后整駕至南鄉過彼豐沛  
都與君共翱翔元后蓋稱曹操也至南鄉謂伐劉表之時豐沛  
都喻操謀郡也王仲宣從軍詩云籌策運帷幄一由我聖君聖  
君亦稱曹操也又曰竊慕負此翁願屬朽鈍姿是欲效伊尹負



禹于湯以伐桀也是時漢帝尚存而二子之言如此一日元后  
一曰聖君正與荀彧比曹操為高亮同科或以公幹平視美人  
為不屈是不為知人之論嚴滄浪詩話

對林石

吳郡林太守陸續泛海歸吳舟輕恐覆取巨石為裝績家吳郡  
委門內臨頓里之北石至今存弘治丙辰四月巡按樊祉移于  
公署曰廉石亭

妻甥女

孫休朱夫人朱據女休姊公主所生休妻其甥事同漢惠

龍州節艾廟

龍州宣撫司東一百七十里有魏將節艾廟以伐蜀嘗經此宋  
知州洪咨夔毀其廟更祀諸葛其民曰如事仇讐而忘父母

陰平道在陝西守禦軍民千戶所

西山僊童

周末隆慮人喬順二子曰璋曰瑞師事仙人盧子恭于隆慮山  
棲霞谷教以清冷之術服飛龍藥十年不飢與師白日飛舉故  
魏文詩曰西山何其高高、工無極上有兩仙童不飲亦不食

伯瑜

陳思王靈芝篇伯瑜年七十綵衣以娛親今人但知老萊子之  
事而不知伯瑜因學紀聞



洛神

晉江黃鳳翔曰洛神賦非感甄也究哉陳思處于危疑顛沛之  
會故感甄也天問曰胡羿射夫河伯而妻彼洛濱遠遊賦曰騰  
告鸞鳥迎宓妃植自附屈原而不敢踰語託宋玉也

石人

魏築千秋塢五龍渠立一石人若腹若東西脇皆有記其畧曰  
後當興不宜就西積故書之於石以遺後賢古人不忍輕毀故  
渠并不欲掩作者之姓名蓋如此陳繼儒太平清話

王祥

諸城縣孝子屢亘四五里清瑩不涸嚴冬冰合惟中央二三尺

不冰相傳王祥卧冰處上有祠晉書王祥臨沂人今沂州王祥  
河一曰孝河州北二十五里有孝塚西戚海河孝感泉安  
慶府望江縣南二里卧冰池祥嘗自臨沂扶母避地于此人慕  
而名之然雖極凍其中有人卧形  
和經續後漢書以王祥為篡臣

管辰序兄輅傳裴松之三國注

按辰所稱鄉里劉太常者謂劉實也辰撰輅傳實時為太常顯  
川則實弟智也實智並以儒學為名無能言之世語稱寔傳稱  
猶不足以並裴何之流也又按輅自說云本命在寅則建安十  
五年生也至正始九年應三十九而傳云三十六以正元三年



卒應四十七傳云四十八皆為不相應也。近有閩續伯者名續  
該微通物有良史風為天下補綴遺脫敢以所聞列于篇左皆  
從受之于大人先語足以取信者莫免虛無之說云爾嘗受辰  
傳所謂劉太常者曰輅始見聞由于為隣婦卜此牛云當在西  
面窮墻中縣頭上向教婦人令視諸丘冢中果得牛婦人因以  
為藏已牛告官按驗乃知以術知故裴真州遂聞焉又云輅中  
小入失妻者輅為卜教使明旦於東陽城門中伺擔豚人幸與  
共聞具如其言遂逸走即共追之豚入人舍突破主又獲婦從獲中出  
劉侯曰此類甚多辰所載纔十一二耳劉侯云辰孝廉才也中  
書令史記云龍輅鄉里人云輅在田舍嘗候遠鄰主人患教失

火輅卜教使明日於南陌上伺當有一角中諸生駕牛政車必  
引留為設賓去此能消之即從輅戒諸生有急求去不聽遂留  
當宿意大不安以為圖已主人罷入生乃把刀出門倚而薪積  
間側立假寐歎有一小物直來過前如獸手中持火以口吹之  
生驚舉刀斫正斷腰視之則豚自此主人不復有灾前長廣太  
守陳承祐口授城門校尉華長駿語云昔其父為清河太守時  
召輅作吏駿與少小後與鄉里遂以恩意常與同載周旋具知  
其事云諸要驗三倍于傳辰既短才又年縣小又多在田舍政  
益不詳辰仕官至州主簿却從事太康之後物政駿又云輅卜  
亦不悉中十得七八駿問其政輅云理無差錯未卜者或言不



凡以宣事寔政使爾華城門夫入者魏政司空涿郡盧公女也  
得疾連年不羣華家時居西城下南纏里中三廐在其東南路  
下當有師從東方來自言能治便聽使之必得其力後亡何有  
南廐駒當克甲孕未詣盧公古能治女即公即表請留之專使  
其子將詣華氏療疾初用散藥後復用丸治尋有效即奏除駒  
名以補大醫又云隨輅父在利漕時有治下屯民捕鹿者其晨  
行遂見毛血人取鹿處未詣廐告輅為卦語云此有盜者是  
汝東巷中第三家也汝徑往門前伺人無時取一瓦子密發其  
確屋東頭第七椽以瓦著下不過明日食時自送還汝其夜盜  
者父病頭痛壯熱煩疼然亦未詣輅卜輅為發崇盜者具服輅  
果獲于政處矣

衛瑾璧玉

今擔皮肉藏還著政處病當自愈乃密發鹿主往取又語使復  
往如前乘瓦舉椽盜父亦羣又都尉治丙吏有失物者輅使明  
晨于寺門外看當逢一人使指天畫地舉手四向自當得之莫  
令中撫軍名炎與之北乎

羊祐碑

羊祐墮泪碑益州記捷為李賜撰賜密之子



蔡襲

景猷羊皇后蔡邕甥女也羊祐亦邕外孫景猷皇后同產弟祐  
御吳功將進爵之以賜舅子蔡襲語襲關內侯

鄧殷

鄧攸孫殷鍾會伐蜀召為主簿終中庶子

劉伶

中說劉伶作劉靈

品官占田

晉平吳後制品官占田之法第一品占五十頃第二品占四十  
五頃第三品四十頃第四品三十五頃第五品三十頃第六品

二十五頃第七品二十頃第八品十五頃第九品十頃又各以  
品之高卑應其親屬

萬里

陸機太山吟萬里立有亭幽岑延萬鬼人死其魂拘于萬里岑  
參詩東嶽前後魂北印新舊骨華亭黃耳寺以天得名詩話  
謂黃耳非犬也乃童僕名其提尾如犬

阮籍

京師曹氏家藏阮步兵詩一卷唐人所書與世所傳有數十首  
集中所無其一篇云放心懷寸陰羲和將欲冥揮袂撫長劍仰  
視浮雲行雲間有五鶴抗首揚哀聲一飛冲青天殪世不再鳴



安于鷄鶉徒。翻。戲中庭。又云嘉木下成蹊。東園捐桃李。秋風吹飛藿。零落從此始。繁。有憔悴。堂上有荆杞。驅馬舍之去。去上西山趾。一身不自保。况復恋妻子。凝霜被野草。歲暮亦已云。詩語皆類此。非後人作明矣。孔宗翰亦有本。與此多同。詩紀。

### 洛陽舊火

元帝渡江。洛陽人王離妻李氏將洛陽舊火而渡。自言受道祖。祖王<sup>母</sup>氏傳此火。并有遺書二十七卷。臨終使行此火。勿令斷絕。火色甚赤。異于四方病者得此火。煮藥及灸。諸君皆愈。轉相妖惑。官司禁不能止。及李氏卒。火亦滅。人號其居曰聖火巷。按古者五時取五木以改火。使民不疾。洛陽之火。必出于异木。自能

蠲疴。非必妖惑也。馮時可集。

### 嵇康

裴松之曰。按本傳云。康以景元中坐事誅。而干寶孫寶習鑿齒諸書皆云。正元二年。司馬文王反。自樂嘉殺嵇康。呂安蓋緣世語。云康欲舉兵。應母即儉。改謂破儉。便應殺康也。其實不然。山濤為選官。欲舉康。自代康書。告絕事之明審者也。按濤行狀。濤始以景元二年除吏部。即身景元與正元相去七八年。以濤行狀檢之。如本傳為審。又鍾會傳亦云。會作司隸校尉時。詳會作司隸。景元中也。

嵇康無鬼論。唐莆田林披茂。則以明經擢第。授臨汀郡曹掾。



郡山鬼淫祠被著無鬼論曉民

李氏六龍

李密令伯六子皆英雄秀逸號六龍

葛洪

葛洪嘗拜伏波將軍見莊綽辨疑

韓壽

陳騫以韓壽為孫每會聞有異香乃外國所貢騫許武帝惟賜已嫌壽與女通乃以女妻壽郭子謂賈充女者訛也

鍾離權

大將軍周處西征鍾離權充偏將軍處戰亡兵潰權隱山學道

以仙名焉神仙通鑑

郭璞

嘉定州烏龍山下傳晉郭璞注爾雅于山有爾雅堂注成洗研于江江魚吞之盡黑至今稱黑頭魚每年春日魚出清明日斗其味甚佳

博物志

張華博物志唐人殷文圭云華原書四百卷晉武帝刪為十卷

綠珠

綠珠梧州博白縣西雙甬山下梁氏女梁氏之居舊井存焉汲飲者必誕美女里間以為亡英遂鎮以巨石太平廣記

棠林外索



秦林女

左延年秦女休行記時事也女休年十四為燕王婦為宗報仇殺人都市竟以赦宥得免

桃葉歌

桃葉王猷之愛妾也其妹曰桃根詞曰桃葉復桃葉桃葉連桃根

毛寶放龜

搜神記載豫州刺史毛寶戍祁城有一軍人於武昌市見人賣一白龜子長四五寸潔白可愛便買取持歸著籠中養之漸大至凡許軍人憐之持放江中後石季龍攻祁城毛寶棄豫州既

赴江舟皆沈陷軍人亦墮水覺在一石上水裁至腰須臾浮出中流視之乃是先所養白龜可六七尺送至東岸出頭視此人徐游而去幽冥錄載亦同乃白氏六帖引搜神記直以為寶放龜而合璧諸書俱相承爾雅翼以毛寶過江白龜載之而度為昇皆訛也晉書本傳祁城之役毛寶溺死庾亮痛哭發疾遂薨王隱晉書曰祁城陷寶屍沉江不出載祥移告河伯諸神使出寶屍十餘日乃出則知搜神記所言事繫軍人為不棄藝海詞

張翰秋風歌

秋風起兮佳景時吳江水兮鱸魚肥三千里外家未歸恨難得兮仰天悲



梅賾增書

元帝時豫章內史梅賾增伏生書二十五篇原為二十八篇

梁山伯

梁山伯字處仁家會稽游學道逢祝氏子同往肄學三年祝先  
返後二年山伯方歸訪之上虞始知祝女子也名英臺山伯悵  
然歸告父母未姻而祝氏已許鄞城馬氏弗遂山伯後為鄞令  
死葬鄞城西清道原明年祝適馬氏過其墓風濤不能前英臺  
聞有山伯墓臨塚哀慟地裂而埋壁為事聞于朝丞相謝安奏  
封義婦塚寧波府志  
鄞縣東十六里接待寺西祀梁山伯號忠義王廟

衛夫人

衛夫人名鑠字茂漪晉汝陰太守李矩妻善鍾磬能正書入妙  
王逸少師之翰墨志

黃鶴

石虎時揚州獻黃鶴鶴五頭長一丈殼圍十里許泛于玄武苑  
中玄武池化為玄龜水經

莫愁

莫愁石城女子非石頭城也石城在古復州鄞中今之承天府  
是也且與襄陽估客同為一事五雜俎

王羲之墓



大城縣城西五里餘王相村古墓居民竊啟見五色石柳工有  
王羲之字迹掩之

### 蘭亭

唐何延之記蘭亭四十有一人內有支道林宋李龍眠作圖除  
去亦不損前數又不知今所增一人為誰也顧璘息園存稿

### 鳩摩羅什

鳩摩羅什但能精通術數傳極群書僧中之子雲茂先也謂之  
成佛作祖吾則未敢什父羅炎修行不遂為禁醫所逼已墮落  
矣至什而復蹈其轍焉雖曰彼偏亦由欲障未除升座講經之  
際二兒登肩神識未定見瞰之矣既生二子何患法種亡嗣妓

女子人之畜亦可以已乎臨終之時誦神呪自救未及致力  
轉覺危殆其處死生之際非能脫然無罣碍者尚在安佛圖澄  
之後乎謝肇所

### 謝安別墅

褚叔度請謝安別墅為寺

### 兩戲馬臺

劉澄之山川古今志彭城西南有戲馬臺劉裕九日所登水  
經注右帟每講武于漳水上即升臺以望之

### 許真君

神仙之跡未有如許氏之盛而亦未有如許氏之不相蒙者陶



貞白極重真語真語稱許穆與兄揆次兄虎牙子王斧門客楊  
義俱為仙官而義穆最貴中有許邁與穆二書貞白所著許長  
文碑穆世名諡仕至護軍長史散騎常侍得道卒年七十二揆  
世名毗扉牙名睽皆得道又云第四兄字遠游永和四年嘉道  
不<sub>以</sub>然不言得道晉書許邁傳字叔玄一名快向容人後云玄  
字遠游與王右軍善遊名山不知所終好道者謂之羽化然不  
為謚作傳亦不及其仙事而今世所崇奉許真君者名遜據列  
仙傳為遠游弟嘗與郭景純俱參王敦軍切諫景純兵解而真  
君隱去以陰功重仙品最高為九天採訪使真語又畧不及晉  
史既非隱書真語亦非真文貞白與真君俱赫然朗著何以不

相及也右軍有玄度腫至一帖黃長膚楊用修遂引以駁晉史  
謂玄度寔病死乃云服巨勝仙去不知玄度乃許訥非邁也續  
晉陽秋曰訥字玄度高陽人風情簡素辟司徒掾不就早卒世  
說盛稱之晉史不為訥作傳僅附孫綽傳亦無服巨勝語此皆  
不可曉者按史以載事仙釋出世業在事外非可以示民故以  
佛圖澄羅什之神僧而僅列之于藝術况羽化尸解茫昧難徵  
者乎晉書之不詳許氏也奚怪真語雖曰真文然所志神仙官  
職太涉於有似巫覡之談亦何可據以為寔際王世貞危言

許真君傳晉書不載其仙跡甚著初生南昌母夫人夢金鳳啣  
珠墜掌中既長博學多通聞西安吳猛得至入丁義神方乃師



之太康元年為西蜀旌陽令治行甚著以世亂棄官歸邑民隨  
至宅改氏族以從者甚衆踰許家營為吳極遊嵩陽聞丹陽  
黃堂靖有女師誥姆多道術同往叩姆曰昔孝弟王自上清降  
曲阜蘭公家謂蘭曰後晉代當有許遜傳吾道留金丹寶經與  
我侯子有年遂擇日設壇授之謂吳極君當及師許也姆因取  
香茅一根南向擲曰子歸認茅路處立吾祠歲秋可一至二君  
還得飛茅迹于所居南四十里已叢生矣乃建黃堂祠真君渡  
小蜀江抵肆主人朱氏貧而甚恭真君画一松于壁其家遂倍  
得利後江漲潰堤市舍俱漂惟松壁不壞嘗云吾仙去後一千  
二百四十年間豫章之境五陵之內當此地仙八百江心忽生

沙洲掩過沙井其時也真君弟子數百志趣不一乃化炭為美  
婦人試之不染汚者惟十人爾真君歸郡有美少年通謁既去  
謂弟子茲非人老蛟精也迹其所之遂化黃守臨郡城沙磧上  
真君剪紙化黑牛往關令施岑持劍俟其關酣揮之中其左股  
牛奔城南井中復化為人初蛟慕賈玉女化少年入賈玉家玉  
大愛其才因贅為婿生二子常以春夏獨出若營賈者至秋重  
載歸寶貨充溢蓋覆舟所獲也是秋徒還詔玉云為盜傷左股  
玉嘆悅求醫真君乃為醫詔玉玉喜言其婿蛟精快遂匿真君  
隨至其堂厲聲叱之乃見本形蛟蛭堂下二子皆為小蛟併斬  
之賈女亦幾變形真君給以真符乃免謂玉曰蛟精所居下皆



洪波也。亞遷高原其宅不日陷為澤。真君復還豫章曰：此地蛟  
螭所穴，真鎮之乃于牙城南鑄鉄為柱，出井外數尺，下施八索，  
鈎鎖地脉，祝之曰：鉄柱若亞其妖，再興吾當復出。鉄柱若正其  
妖，永除由是。屏跡王敦舉兵，內向真君，同吳猛往說止之。敦怒  
真君乃舉杯，擲起化為白鶴，敦方舉目已失。二君所在，至孝武  
寧康二年甲戌八月朔日，上昇年一百三十六歲。嘗謂星下散  
為物，人上昇為仙，一氣推移不足為怪。即道家所藏真君昇舉  
事，抑何靈！至其教人，惟以忠孝廉謹寬裕忍容為八寶。與吾  
道何殊？記曰：清明在躬，志氣如神。天降時雨，山川出雲。人心湛  
然，無滯。即太虛亦復何遠？豈必談鉛汞乎？吾讀真君傳，有悟因

錄其最异者。又道家載在陽得道後，帝贈其遠祖許由、玉虛僕  
射、曾祖琰、太微、兵衛、天太祖、王、太極、把業、錄籍、典者、父、庸、中、岳  
仙官，嗟乎！武仲逃免，後復有此贈，未知復避否。此與投宅事  
恐盡出附會，未可遽以為寔也。馮時可藝海洞酌  
許旌陽問道于女師，謔母曰：一念不欺為忠，一事不苟為孝。

### 孫恩高靈

晉末妖賊孫恩作亂于會稽，宋高祖劉裕為司馬討敗之。恩于  
臨海投水，死。眾推恩妹夫盧循為主，後劉裕破循于東陽，循奔  
永嘉，復追破之。追討至于晉安，循浮海南走。晉末雖滅道種，迨  
叛，散居山海，厥類尚繁。唐武德八年，都督王義童遣使招撫，得



其首領周造、袁細、陵等，並授騎都尉，令相統，得不為寇盜。貞觀十年，始輸羊課，其居止常在船上，兼結廬海畔，隨時移徙，不常船後尾尖，高當中平闊，衝波逐浪，都無畏懼。名了鳥船。閩書  
寰宇風俗記：泉即此州夷戶，亦曰游艇子。

桃源漁人

桃源漁人姓黃名道真

陶潛

陶潛，尋陽柴桑人。柴桑，今德化縣之楚城鄉也。楚城鄉西南八十里，正德九年，提學副使李夢陽得斷碑，曰晉陶靖節先生故里，始得其墓。而陽山上京梁里西廬，等處相去直三十里。

有作陶淵明詩跋尾者，言淵明讀山海經詩，形天無千歲，猛志固常在，竟莫曉其意。後讀山海經，刑天獸名也，好銜干戚而舞。乃知五字皆錯，形天是刑天，無千歲是舞千戚，身傳者誤謬如此，不可不察也。竹坡詩話

陶潛不任宋所著詩文，俱書甲子。韓偓不任梁所著詩文，亦書甲子。陸節行如潛，而詩綺靡，蓋所養不及耳。薛西原曰：立節行。行養性情，難謝榛。

柴桑令

劉道民曾為柴桑令，非陶淵明也。

外孫記外祖遺事



外孫記外祖遺事者陶淵明孫子瞻朱元晦元俞好問

### 慧遠

耶舍與遠公會嘗舉如意無言以示遠，不惜即拂衣去徑上紫霄峰是時禪學未入中國而北則見於此矣。王禕廬山記

### 白蓮社

廬山蓮社十八賢慧遠法師姓賈氏鴈門樓煩人慧永姓繁氏河內人慧持遠公弟也與兄同事道安道生姓魏氏巨野人客居彭城佛陀耶舍尊者罽賓國安羅門種佛陀跋陀羅尊者甘露飯王之裔慧叡冀州人曇順黃人道教瑯琊王氏隨祖凝之守江州曇恒河東人曇昺姓陳氏潁州人曇詵廣陵人劉遺

民名程之字仲思彭城聚里人漢楚元王之後雷次宗字仲倫南昌人宗炳字少微南陽人官任太子舍人張野字萊民官任洛中張詮字秀碩張野族周續之字道祖鴈門廣武人

慧遠年八十四晉義熙十三年秋八月六日見謝靈運諫序

王禕曰慧遠卒于晉義熙十二年丙辰年八十三陸修靜没于宋元徽五年丙辰年七十二丙辰相去六十載推而上之修靜生義熙四年丁未慧遠亡時修靜纔十歲身至宋元嘉末修靜始來廬山時遠公亡且三十年靖節死亦二十餘年矣安取所謂三笑乎或曰晉蓋有兩修靜也宋濂跋匡廬社圖十八賢道士陸修靜法師慧遠陶元亮畢穎之遠公弟慧持僧跋陀宗少



天僧曇順劉程之雷仲倫周道祖餘忘之劉程之蓮社元不歲  
在攝提格七月戊辰朔二十八日乙未慧遠命正信之士豫章  
次宗等百有二十三不集于廬山般若臺精舍修西方淨土之  
學今所畫正十八人取著名於時者也

西夷上表

常勝天子陛下諸佛世尊常樂安德三達六通為世間道其名  
如來應供正覺遺形舍利造諸塔像莊嚴國土如須彌山村邑  
聚落次第羅匝城郭館宇如忉利天宮、殿高廣樓閣莊嚴四  
兵俱足能伏怨敵國土豐樂無諸患難奉承先生正法活化人  
民良善慶無不利虜雪山陰雪水流注百川洋溢八味清淨周

匝屈曲順趨大海一切衆生咸得受用於諸國土殊勝第一是  
名震早大宋揚都承嗣常勝大王之業德合天心仁履四海聖  
智周備化無不順雖人是天護世降生功德寶藏大悲救世為  
我尊主常勝天子是故至誠五体敬禮呵羅單國王毗沙跋摩  
稽首問訊 宋文帝元嘉十年

大吉天子足下離淫怒癡哀愍群生想好真足天龍神等恭敬  
供養世尊威德身光明照如水月中月如日初 間自蒙照晉十  
方其白如雪亦如月光清淨如華顏色光耀威儀殊勝諸天龍  
神之所恭敬以正法寶實行衆僧莊嚴國土人民熾盛安隱快  
樂城閣高峻如乾他山衆多勇士守護此城閣莊嚴道巷平正



著種衣猶如天服于一切國為最殊勝吉揚州城無憂天主  
慈念群生安樂民不律儀清淨慈化深廣正法治化供養三寶  
名稱遠至一切並聞民人樂見如月初生辟如梵王世界之主  
一切人天恭敬作禮呵羅卑跋摩以頂禮足猶如現前以體布  
地如殿陛道供養恭敬如奉世尊以頂看地曲躬問訊亦承先  
業嘉慶無量忽為惡子所見爭奪遂失本國今唯一心歸承天  
子以自存命今遣毗紐問訊大家意欲自往歸誠宣訴復畏大  
海風波不達今命得存亦由毗紐此人忠至其恩難報此是大  
家國今為惡子所奪而見驅擯意頗憤惋欲雪復伏願大家  
聽毗紐買諸證仗袍襖及馬願為料理毗紐使得時還前遣閣

和仙婆羅呵蒙大家原賜悉惡子奪去啓大家使知今奉薄獻  
願垂納受 元嘉十三年

宋國大主大吉天子足下敬禮一切種智安隱天人師降伏四  
魔成等正覺轉尊法輪度脫衆生教化已周入于涅槃舍利流  
布起無量塔衆寶尊嚴如須彌山經法流布如日照明無量淨  
僧猶如列宿國界廣大民人衆多宮殿城廓如忉利天宮名大  
宋揚州大國大吉天子安處其中紹繼先聖王有四海關浮提  
內莫不來服悉以茲水普飲一切我雖在遠亦需靈潤是以雖  
隔巨海常遙臣屬願照至誠垂哀納受若蒙聽許當年遣信若  
有所須惟命是獻伏願信受不生异想遣使至佛大陀婆副使



葛抵奉宣微誠稽首敬禮大吉天子足下

諸有所請惟願賜聽以表微心元嘉十二年閏婆羅門國

伏聞彼國據江傍海山川周圍衆妙悉備莊嚴清淨猶如化城

宮殿莊嚴街巷平坦人民充滿歡娛安樂聖王出遊四海隨後

聖明仁愛不害衆生萬邦歸仰國富如海國中衆生奉順正法

文王仁聖化之以道慈施衆生無所遺惜帝修淨戒軌道不及

無上法般濟諸沉溺群僚百官受樂無怨諸天擁護萬神侍衛

天魔降伏莫不歸化王身莊嚴如日初出仁澤普潤猶如天雲

聖賢承業如日月天於彼真丹最為殊勝臣之所住名迦毗河

東際於海其城四邊悉紺紫石首羅天護全國安隱國王相承

未嘗斷絕國中人民率皆修善諸國來集共遵道法諸寺舍中

皆七寶形像衆妙供具如先王法臣自修檢不犯道禁臣名月

愛棄世王種惟願大王聖體和善群臣百官悉自安隱今以此

國群臣吏民山川珍寶一切歸屬五體投誠大王足下山海道

隔無由朝覲宗仰之至遣使下承使主父名天魔悉達使主名

尼陀達此由人來良善忠信是故今奉使表誠大王若有所須

珍奇異物悉當奉送此之境土便是王國王之法令治國善道

悉當承用願二國信使往來不絕此反使還願賜一使具宣聖

命傳勅所宜款至之誠望不空返所白如是願加哀愍奉獻金

剛指錄摩勒金錄諸寶物赤白鸚鵡各一頭元嘉五年天竺如



右諸表俱文帝元嘉間頌似梵來蓋涵濡象教語輒相類隋唐  
以來漸被華風譯使紛沓遠隔前製又趙宋元豐四年于闐國  
工寶稱于闐國倭天福力量知文添黑汗王書與東方日出處  
天世界田地王漢家阿舅大官家政和 年進玉表云日出東  
方赫、天光照見西方五百里國五百里國內條貫王黑汗王  
表上日出東方赫、天光照見四天下四天下條貫阿舅大官  
家其可笑如此

沈慶之書

南宋沈慶之與兄書登北印遠眺衆夷都盡光武墳邊香甚美  
今送其核

橋去洛陽官六七里志用大石下負以通水可受大舡過也制  
作奇狀洛水道路本好青槐映蔭可賞

千金隄舊堰穀水魏時更修謂之千金塢

陸雲臺上有幽井望之幽然投一石子擲之以方聞聲

石經大都其碑高一丈許廣四尺駢羅相接

鮑照

宋子京筆記云今人多誤鮑照為鮑昭李商隱有詩云濃京鮑  
照葵又金陵人得地中石刻作鮑照字潘子真詩話云景文殊  
不知武后時諱照唐人因以昭名之事具昭祠堂記

井錦



南齊時荆州城東天子井出錦於時士女取用與常錦不异經  
月乃歇吳均齊春秋

齊梁紀錄並云出自蕭何又編御史大夫望之以為先祖之次  
按何及望之於漢俱為勲德而望之本傳不有此陳齊典所書  
便乖實錄近秘書監顏師古博考經籍注解漢書已正其非今  
隨而改削云

### 水貢

湘鄉縣內菡泉井氣如椒蘭釀酒殊勝若合以他水則變南齊  
時有水貢民以為病罷之立浮屠其上

### 州民

孔稚圭答蕭司徒書其一云十一月二十九日州民御史中丞  
孔稚圭啟云州民即今石生也

### 沈麟士抄書

武康沈麟士好學藏書有書數千卷燬于火時年踰八十手自  
抄寫天下細書復成三千卷

### 玉兒玉奴

潘淑妃名玉兒唐楊貴妃名玉奴蘇子瞻詩玉奴終不負東昏

### 鍾山墮銘

梁任昉大同四年七月於鍾山墮中得銘曰龜言玉著言水而  
服黃鍾啟靈址瘞在三工庚墮過七十已六千三百決辰交二



九重三四百祀當時真能辨者防之五世孫升之以授鄭欽說  
乃悟卜宅者便墓之歲月日辰而識其墓地殆無一字開說又  
毫釐不差也 沈作誥寓簡

昭明太子墓

昭明太子墓池州秀山門外銅陵<sup>天</sup>啟乙丑五月貴池孝<sup>庶</sup>韓  
君理 夢告以侵地辛未赴銅陵教諭又屬夢遂復之

餘曠

梁元帝纂要云日在午曰曠在未曰曠王仲宣詩山岡有餘曠  
謂日仄也 譚花醜

陶籍

陶弘景子籍善詩為錢塘令政化如神

後梁春秋

江陵蔡元恭著後梁春秋十卷

明海鹽姚士彝著後梁春秋

白鼠

北魏宣武帝<sup>洛</sup>洛陽縣獲白鼠散騎常侍兼尚書盧昶按瑞典  
外鎮刺史二千石令長不抵工命刻暴百姓人民怨嗟則白鼠  
至因上表諫

白樓

相州舊城內東北白樓郡志云後魏納後秦姚興之女建此堂  
棠林外索



故國歸以鉛粉改名

後魏謠

後魏時青州俗囂薄京師謠曰獄中無繫囚舍內無青州假令  
家道惡腸中不懷愁

後魏石像

大同府城含和坊遼建華嚴寺奉安諸帝石像五銅像六內一  
銅像衣冕垂足而坐餘皆常服

地下受歲

後魏崔暹死十二年為沙門發墓而活言死時年十五今乃二  
十七是死仍受歲也塔寺記

劉晝

東魏劉晝孔昭上高歡書曰尼與優婆夷寔是僧之妻妾損胎  
殺子其狀難言今僧尼二百萬并俗女向有四百餘萬六月一  
損胎如是則年族二百萬戶矣驗此佛是疫胎之見也

張澄

西魏征南將軍鄧州張澄塚在冠軍攻城有碑刻其背文曰白  
楸之棺易朽之囊銅鉄不入凡器不藏嗟爾後人幸勿我傷宋  
元嘉中為盜所發獲金銀器甚多原曹魏今誤西魏

木蘭

黃州黃陂縣隋木蘭縣北七十里木蘭山有木蘭將軍塚廟曰



忠烈將軍蓋朱氏女代父西征 入歸德府城東南八十里有  
孝烈將軍廟 完縣東孝烈將軍廟云木蘭女嘗代父戍守於  
此唐封為孝烈將軍一統志 木蘭西漢時人從征十八年帝  
聞其事諡孝烈謂納官中蘭不從命經死帝驚問贈將軍見馮時可木蘭將軍贊 一云木蘭姓魏亮之  
謀人廟祭歲四月八日蓋其生辰也 嚴滄浪曰木蘭歌朔氣  
傳金柝寒无照鉄衣酷似太白非漢魏人語左舜齊曰况有可  
汗大黑兵之句乃唐人無疑魏大武時柔然已歸可汗非始於  
唐也通篇較之太白殊不相類詩家直說  
嚴滄浪詩話木蘭歌又苑英華直作常元甫名字郭茂倩樂府  
有兩篇其後篇乃元甫所作也

晉末偕亂

趙劉元海據平陽三主二十五年 後趙石勒都襄國六主三  
十二年 燕慕容皝都薊遷鄴三主三十四年 秦苻堅都長  
安五主四十四年 後秦姚萇都長安三主三十四年 南燕  
慕容德據廣固二主十二年 南涼秃髮烏姑據樂都遷西平  
三主十九年 北凉沮渠蒙遜據姑臧二主三十九年 西秦  
乞伏國仁據苑川遷金城四主四十六年 後燕慕容垂據中  
山鄴四主二十五年 夏赫連勃勃據朔方三主二十五年  
後魏拓拔氏改姓元都雲中遷洛十六帝一百七十一年 北  
齊高氏都鄴五主二十七年 周宇文氏都長安五主二十六



年

仙隱趙逸曰自永嘉以來二百餘年建國稱王者十有六居皆  
游其郡邑目擊其事國滅之後觀其史書皆非實錄如蓋記

前溪

于疏大唐傳湖州德清縣南前溪村則南朝集樂之處今尚有  
教百家集習音樂江南教伎多自此出所謂舞出前溪者也後齋  
漫錄言陳劉刪詩山邊歌落日池上舞前溪唐崔顥詩舞愛前  
溪綠歌翻子夜長按智匠古今樂錄晉車騎將軍沈玩作前溪  
歌而非舞也蓋復齋不曾見于疏大唐傳故不知舞出前溪身  
漁隱叢話歌舞以地著猶今曲之高海蓋腔也元政浦楊氏

官提舉家僅教百指教以新聲傾聽一時 明初楊氏生法成  
雲南梨園祖其教不衰亦前溪之例也

中說元經

文中子謂文士之行可見謝靈運小人哉其文傲君子則謹沈  
休文小人哉其文治君子則典鮑照江淹古之狷者也其文急  
以怨吳筠孔璋古之狂者也其文怪以怒謝莊王融古之纖人  
也其文碎徐陵庾信古之夸人也其文誕或問孝綽兄弟子曰  
鄙人也其文滿或問相東王兄弟子曰貪人也其文繁謝眺茂  
人也其文捷江聰詭人也其文虛子謂顏延之王儉任昉有君  
子之心焉其文約以則



元經天子之史也書帝正月非也程子微言

元經始帝晉卒授魏明天命之有存晉宋齊梁陳亡哀中國之無人卓然于明道而其書不傳今元經存殊駁野蓋偽書函文

### 墨蹟

五代陳世祖時征北軍人于丹徒盜發晉却墨墓大獲晉右將軍王羲之書及諸名賢遺跡事覺其書並沒縣官藏于祕府世祖以子伯茂好古多以賜之

### 陳後主子

福建永春縣陳巖山王應廟祀威應侯陳後王叔寶三人長曰鏡臺翁季曰易簡為御文中丞侯居中名不傳少習兵法為時

豪 往南越擊醜虜有功隋既平陳侯兄弟三人引兵南奔據

桃林塲之肥湖後隨帝有旨令鏡臺祥兵命有司四時祭其父祖

其編籍為民與其兄弟分居三所鏡臺翁居肥湖之瑞峰易簡

居慕仁里溪西而侯隱東嶺峭峰歲時挈鞍秣馬往還桃源間

一夕愁桃源驛東偏留弓劍後屢著靈應鄉民即地祀之按

陳書後主二十二男皇太子深會稽王莊吳興王蒨南平王巖

永嘉王彥邵陵王統南海王虔致唐王恪信義王祗東陽王恮

吳郡王藩餘子十一人總觀明綱統汙洽縉威辨並未及封

其所封諸王無一往南粵擊醜虜者且俱從入關安得南園而

潛之也前見關書頗異傳疑可也



景陽井銘

隋煬帝景陽井銘曰前車已覆後乘將沒

鼓山神鉦

武安縣南三十里鼓山上有二石如鼓形世傳鳴則兵起故名神鉦高齊之末此鼓鳴晉亡隋末鼓聲聞數百里隋亡又云中  
有竹林寺五百羅漢所居隱而不見按齊志云文宣帝元保末  
常使人往此寺取經函使者辭以不知帝曰卿取我駱駝乘之  
則自至矣使者如山果見一寺寺門有數僧相謂曰高洋駱駝  
來也問使者曰爾天子使汝來何求曰帝命于市東郭從北第  
一房取經函及尺八黃帕等僧共取與之後不復見至今山中

中居人時有聞其鐘聲及聞梵音者然皆莫知其處帝嘗自鄴  
都詣晉陽往來山下故起離宮以脩巡幸于此山腹見數百聖  
僧行道遂開三石室刻諸尊像因建寺名石室今常樂寺也見  
全宣奉大夫刑部尚書胡勸記中

石經

石經大學是魏政和中詔諸儒虞松等考正五經刻之于石而  
大學中庸行焉松表述賈逵之言曰孔伋窮居于宋懼先聖之  
學不明而帝王之道墜政于大學以經之中庸以緯之則學庸  
皆子思所作至唐定十三經註疏多妄為改竄今人不見石經  
遂以唐為古本其實非也明皇竅穿鑿既亂大學次序又刪吞



顏淵問仁五句孝經刪去閨門一章洪範亦改頌陂字嘗見明  
皇老子注云我獨异于人而貴求食于母原無求于二字朕所  
加也蓋其妄每如此焦澹園集

佛圖戶

獻魏文帝皇興三年令罪民及官奴為佛圖戶魏徙青齊民于  
平城桑乾僧墨曜奏其民有能輸粟六十斛入僧曹者即為僧  
祇戶粟為僧祇粟備凶歲飢民又請民犯重罪及官奴為佛圖  
戶供諸寺洒掃並許之

七聲

周武帝時帝怒人曰蘇祇婆徒突厥皇后入朝善胡琵琶聽其

所奏一均之中間有七聲一曰娑陀力華言平聲即宮聲也二  
曰雞識華言長聲即商聲也三曰沙識華言質直聲即角聲  
也四曰沙侯加濫華言應聲即變徵聲也五曰沙臘華言應和  
聲即徵聲也六曰般瞻華言五聲即羽聲也七曰沙侯利建華言  
斛斗聲即變宮聲也譯因習而彈之始得七聲之正

智者大師

智者大師書陀羅尼經四卷存天台山天慈寺後傳于慧明寺  
在縣東北 宋時亡失僅留其一嘉靖間為兵憲譚綸取去今所  
存是宋元通法師補書者

白玉

索林外索



會稽山土神白王云隋煬帝于封于白故名響王

丁現

陳丁現善書與智永齊名時謂丁真永草

隋堤

河間寧津縣北二十五里隋堤云隋煬帝巡遊駐蹕于此令軍士築堤如垣有居民耿姓守道守義者進膳帝嘉之因以築堤賜名耿村王氏或稱隋堤又稱耿家園

補隋志注

義寧二年泉州守洛陽歐陽佑官滿西歸至即陽聞隋亡挈家自南大乾山河中工人殮墓之即入祠祀焉

宗室世系

唐書歐陽修宗室世系表云李氏出自嬴姓帝顓頊高陽氏生大業大業生女華女華生皋陶字庭堅為唐大理生益生思成歷夏商周為大理以官命族談遷曰益為皋陶子昔入嘗辨之矣

秦玉山

豐潤縣東北二十里有山名不傳高可三里許無他木惟荆叢生世稱唐太宗為秦王時東征凱旋登山見荆乃愕然曰此吾師曩時教我扑也遂下馬拜之荆首皆下垂如人俯伏狀至今猶然石上有秦王下馬跡因名秦玉山



牛口峪

臨城縣西二十五里牛口峪昔有童謠曰竇入牛口勢不得久  
竇建德為唐兵所破走至此果被擒

高識傳

唐初傳奕集晉魏以來闢佛者作高識傳

避諱

唐太宗諱世民而傍犯如葉字作葉字派字作派字

劉黑闥

劉黑闥卜種植得九五飛龍卦以反叛至于誅僂其時解者曰  
飛龍指唐太宗也明主高陽氏人力耕供工即為利見大人之

象黑闥不知自取冥行之凶

薛仁果

薛仁果本薛仁果唐史誤以果為呆見歐陽詢所書御製六馬  
贊云鷹白蹄烏平薛仁果時乘

入閣儀

唐有大內又有大明宮在大內之東北世謂之東內高宗以後  
天子多在大明宮之正南門曰丹鳳門內第一殿曰含元殿  
大朝會則御之第二殿曰宣政殿謂之正衙朔望大冊封則御  
之第三殿曰紫宸殿謂之上閣亦曰內衙復日常朝則御之天  
子坐朝頂立仗于正衙殿或乘輿正御紫宸即與仗自宣政殿



而門入是謂東西閣門也以本朝宮殿視之宣德門唐丹鳳門也大慶殿唐含元殿也文德殿唐宣政殿也紫宸殿唐紫宸殿也今欲未入閣本意施于儀典須先立仗文德殿廷如天子正御紫宸即喚仗自東西閣門入如此則差與舊儀合但今之諸殿比于唐制南北不相對面又按唐自中葉以還雙日及非時大臣奏事別開延英殿若今日御崇和延和是也乃知唐制每御坐朝日即為入閣其後正衙立仗因而遂廢甚非禮也宋知政事宋庠奏議

### 朝元閣

唐詩朝元閣上西風急都入長安作雨聲喬禮書布大字為太

常少卿祀西岳為子言親歷其地有楊教株猶在閣基之西非宮名也張志厚南園漫錄

### 鑄錢郡字

武德中鑄開元通寶錢有孟字則成益所鑄有潤字則丹陽所鑄餘倣此

### 直隸

魏鄭公徵狄梁公仁傑張燕公說墓棘直不岐共以為異陳師道後山談叢

### 龍毛

維縣寺塔為龍所護側有三池莫測淺深三龍居之入莫能臨



魏貞觀十三年三龍天闕雷霆震擊水火交飛久之乃息人皆  
拾得龍毛長三尺許黃亦可愛毛一作鬚 佛藏梵字玉

袁天綱題名

方士袁天綱見閬州錦屏山題其石曰此山磨滅英靈乃絕

麻姑

麻姑姓黎字瓊仙唐放出宮人也 耕餘雜錄

諸陵

高祖獻陵三原縣東北十八里陪葬諸王十六公主一功臣六  
太宗昭陵醴泉縣九峻山陪葬諸王七公主二十一妃嬪八  
諸臣墓宰相房五終杜如晦魏徵馬周岑文本崔敦禮李勣李

靖溫參博高士廉長孫無忌許敬宗十三人三品丞即唐儉妻  
晦李大亮虞世南杜正倫姚思廉褚亮薛收馬戴段倫張復節  
孔志亮閻立本房仁裕竇庭蘭盧貞松裴藝李珍等五十三人  
功臣大將阿史那思尉遲敬德秦叔寶周護仁等六十四人  
高宗乾陵乾州西北五里梁山與武后合陪葬太子二諸王三  
公主一 中宗定陵富平縣西十五里龍泉山陪葬太子一公  
主五 睿宗橋陵蒲城縣豐山陪葬太子三公主三 讓帝惠  
陵蒲城北十五里陪葬諸王三公主三 玄宗泰陵蒲城金粟  
山 肅宗建陵乾州武將山陪葬郭子儀

尉遲敬德城隍州



唐初修滁州城子及西水關。明胡松嘗行視其下見其石上尉有遲敬德監造數字考敬德傳不云有事于滁而石上云要之不誣。

### 高宗論史

顯慶中令狄德奏劉涓之撰國史評敬宗復加叙次帝恨敬宗所記失寔命宰相刊正且曰朕昔從事未央宮辟仗既過有橫刀伏草中者先帝歛轡卻謂朕曰事發當死者數千人汝可命出之史臣惟叙此為寔却屬後曰先帝仁恩博將如此類非一臣之弟處傑被捧供奉時有三衛候拂御衣者俱甚先帝曰左右無御史我不汝罪帝曰此史臣應載屬後乃表左史李仁寔

刪整偽辭會仁寔死而止

### 木葉遼陽

沈佺期詩九月寒砧催木葉。十年征戍憶遼陽。木葉地名或曰下葉亦地名按遼史歲辛木葉山則非下葉也。

### 花黃果黃

槐花黃舉子忙。枇杷黃醫者忙。橘子黃醫者藏。續世說

### 章懷太子墓銘

武后忌太子廢為庶人徙巴州使呂神積逼令自殺墓銘曰斯一指得天下凡人不得殺愛子竊帝位武后行之噫嘻賢之遺隧萬世之元龜。



李龍遷墓

四川龍州宣撫司東南百五十里牛心山昔李龍遷墓于山側  
唐武氏革命鑿斷山脉亦赤如血玄宗幸蜀有老人蘇坦奏龍  
州牛心山國之祖墓今日蒙塵之禍乃則天掘鑿所致玄宗即  
命刺史修填如舊未幾誅祿山乃陞州為都督府賜號靈應郡  
狼山都督府

高宗永徽元年立狼山都督府在今宣府良山之南地多瓦礫  
永樂初掘地者得斷碑並柱礎焉

何仙姑

何仙姑廣州增城人坐而頂有<sup>毫</sup>一<sub>武后時駐雲母溪夢神人</sub>

教之食雲母粉當輕身不死姑取餌之常往來山谷間行步如  
飛後漸辟穀語言異常武后遣使召赴關中路復失景龍中白  
日昇天天寶九載見於麻姑佇立五色雲中大曆中又見身廣  
州小石樓今云宋時人不肖所謂

駱賓王

駱賓王義烏東二十里上楓塘人賓王父履元任博昌令

女論語

宋若華著女論語十篇大抵做論語以韋宣文君  
符堅時韋逞母宋氏傳周  
官後孔子曾大家等為顏冉推明婦道所宜女弟若昭又為傳  
中釋之



長生殿

臨潼縣南溫泉宮天寶六載改為華清宮其齋殿曰長生殿天寶元年作見寔錄有事于朝元閣即齋沐此殿、南近東有明珠殿

程大昌雍錄曰溫泉在驪山與帝都密邇自秦漢隋唐入主皆嘗游幸惟玄宗特侈蓋即山建宮百司廢府皆行各有寓此自十月徃至歲盡乃還宮又緣楊貴妃之故其奢蕩特為章著大抵宮殿包裹驪山一山而繚牆周編其外觀風樓下又有夾城可通禁中白樂天追尋其事作歌以為後監世傳喜誦然詩多不得其實也華清宮者本太宗溫泉宮也天寶六載始名華清

而楊妃入宮以太真得幸已在三載則華清未妃而妃已先幸今日春寒賜浴溫清池始是初承恩幸時此已誤矣而又記其款跪則曰七月七日長生殿華清宮固有長生殿而其地乃齋宿禮神之所本非寢殿帝又未嘗以七月至驪山則白歌皆不審也

太甲

王勃夫子廟碑華蓋西臨巖五雲于太甲晉天文志華蓋七星下九星合于六星太甲恐是六甲鄭以律詩註

武城閣

唐初功臣皆云圖形凌烟閣河間元孝王碑與段志元碑皆云



圖武城閣豈凌烟閣元名武城耶見西溪叢語

花鳥使

天寶中審辨採取艷异者為花鳥使

李如暹

元微之新題梁府延州鎮李如暹蓬子將軍之子也嘗沒西蕃及歸自言蕃法惟正歲一日許唐人沒蕃者服衣冠如暹當此日悲不自勝遂與妻審定歸詩

滕王元嬰

滕王元嬰高祖之子也永徽初王以驕恣不法謫致濬始王寔封千戶為荊州刺史驕縱失度在太宗喪集官屬宴飲歌舞押

晚斬養廵首節內從民借徇未算所過為害以丸彈人觀其无避則樂城門夜開不復有節高宗以書切責曰朕以王室親不忍置活今署下工考與媿王心以之遷洪州都督官屬妻美者結為妃名逼私之嘗為典籤崔簡妻鄭媪罵以履抵元嬰面血流乃免元嬰漸歷面不視事後坐法削戶及親事縣戶之半謫置濬中

杜甫詩 滕王亭子君王墓樹枕巴山萬丈丹梯尚可攀春日鶯啼修竹裡仙家犬吠白雲間清江碧石傷心處嫩蘂濃花滿目斑人到于今歌出牧來游此地不知還又寂寞春山路君王不復行古牆猶竹色虛閣自松聲鳥雀荒村暮雲霞過客情尚



思歌吹入千騎把霓旌。玉臺觀公自序滕王造中天積翠玉臺遙。上帝高居絳節朝。遂有馮夷來擊鼓。始知嬴女善吹簫。江光隱現龜鼉窟。石勢參差烏鵲橋。更有紅顏生羽翰。便應黃髮老漁樵。又浩劫因王造。平臺訪古遊。綵雲蕭史駐。文字魯恭留。宮闕通群帝。乾坤到十州。人傳有笙鶴。時過北山頭。宋嘉泰甲子建安蔡夢弼曰滕王元婴調露年間任閬州刺史在閬州有亭洪州有閣又有碧落碑趙子樑曰以魯恭比滕王必有詩天遺跡存焉

譚遷曰古人湮沒多矣滕王以杜甫王勃至今著在詩文果贈坊閬州獨無少刺乎必易行政輟不僕、景物增勝也

追貶楊素

武后追貶隋楊素詔曰朕上嘉賢佐下思賊臣嘗欲從容於萬幾之暇褒貶于千載之外

梵勅

韶州南華寺武后勅免差役今存勅梵書墨跡如新曹溪通志

一行

僧一行郊公張公謹之孫博覽經史文武三思慕其名請結衣冠匿隱於僧梵

玄宗見道

不物、我、不是、非、忘意非我意、得非我懷玄宗



天子別號

玄宗自稱上清弟子見華陽頌 武宗自稱承道繼玄昭明三  
光弟子南岳上真人見會昌投龍文

戒牧宰碑

彰德林縣令解內有唐開元末明皇戒牧宰碑口勅曰朕本求  
牧宰務在理人前所策試恐有遺俅載令中書門下發擇得卿  
等高科副朕旁求之意郡縣者國之本牧宰者政之先朕每屬  
意此官有殊餘職頃來刺史縣令多不得人致令戶口未能安  
業斯亦朕之不得德所致寤寐勞想揚搜所知親加試擇卿等寔  
為舉有深副朕懷今改與卿相見卿等到任之日百姓間有不

安穩事一一條奏朕別聽察仰卿政能若一任之聽內風化有

聞當權以不次有非常賞若不達朕意尚復因循亦當有非常

罰朕此舉可謂求仁得仁何憂郡縣不理又勅曰朕聞茲下人

不忘鑿寤寐廢乎富教寄存牧宰所以推擇才能親加考覈卿等

各膺時用副朕虛求亦既得人佇聞佳政若能銳精為理較績

有稱即當待以不次信此言之可復如其政不能舉行且有遺

豈獨敢于厥躬必將坐于舉主此亦明約不得不然各宜勉之

以成名節今賜卿少物刺史七十匹各宜領取至于廟堂坐食

食託好去又曰達已勅卿賜宜領取卿等到任之日宜慰百姓

知朕憂動是選舉三十八人有林暄為林慮縣令彰德府志



宋璟為鄭勉

鳳爪傷龍

開元時宰相宋璟為儀州司馬鄭勉有才略文詞但性好異端好是非  
改變若全引進則悔必至若長棄擗則才用可惜故欲州刺史

開元中有鳳逐二龍至華陰龍墜地化清泉二道其一為鳳爪  
傷流血泉色遂赤今有赤地山

談遷曰龍鳳俱鱗羽之長稱神物御輦帝龍飾后鳳飾而二  
龍見傷於鳳宜往帝為后所制也

張萬歲王毛仲

唐人養馬于涇渭近及同華置八坊其地止千二百三十頃樹  
首以畜苜蓿用牧奚三千官僚無幾衣食皮毛是資不取諸官蓋合  
牧而散畜之專其事不雜以耕而太僕張萬歲王毛仲官職雖  
尊身本帝園生長北方實歷牧事躬馳撫閱無異集追呼之獲

科索之煩順天因地馬畜滋殖萬歲至七十萬六千毛仲至六  
十萬五千六百有奇色別為群辨稱雲錦地惟不窮增置河西  
史贊其盛圖傳至今夫豈有他術哉法簡而專誠而不二故也  
平涼府志

元倉子

宜城王仕原年十八登陵踐恒岳過蘄門山問道于隱者元知  
運入太行山採藥經王屋穿小有洞訪太白山習隱詠躡終南  
山天寶四載歸詔徵京邑論校孟浩然所著有元倉子

楊貴妃

楊貴妃容州晉寧衛雲陵里人父維母葉氏生妃有異質都郎

素林外系



署楊康求為女時楊玄琰為長女又從康求為女携歸京後進  
入壽王宮玄宗召為貴妃今梧州容縣有楊妃井許子真記  
長恨歌載玄宗避暑驪山以七月七日與貴妃憑肩誓心願世  
世為夫婦天寶遺事又言帝與貴妃每至七月七日夜在華清  
宮游宴宮女皆陳水果乞巧皆誤也攷之史玄宗幸華清宮皆  
以十月其近皆以二月或四月未有過夏者野史之不互信往  
往如此五雜俎

### 聽鷓鴣聲

天寶十年帝幸郾公涉諱守蘄州時李泌亦以處士放逐因夜飲  
聞鷓鴣帝公泣下李曰此鳥人以為惡其聲可聽乃令坐客有

不聞其聲者罰以大白由是聽之不厭

### 公主入道

玄宗女萬安公主 代宗女華陽公主 德宗女天安公主  
憲宗女永安公主 穆宗女義昌公主 安慶公主時天下觀一  
千六百八十七

### 張九齡

別夢得集言曲江為相建言放臣不宜與善地因致燕翼無似  
終為餒鬼近世籌疇諸小說皆因之不改之過也當 徐浩作  
公碑銘明言嗣子極居喪以孝聞立身以行著陷在寇逆不受  
偽官及收復兩京特別拜朝散大夫右贊善孫藏器河南府壽



安尉承孫先業克稟義方是公且有賢子孫矣及見唐書宰相世系表九齡子孫石贊善大夫孫子藏器長平丞藏子毅慶表州參軍毅慶子景能景能子謂嶺南觀察衙推弟鄭湖南監秩判官謂子浩仁化令孫元嵩監東天倉自九齡至元嵩八葉之中任官不絕而夢得云、非竊語耶一時浮言聞之不加審諦輒形帝墨世之類此者當為不少焦竑題曲江集

天寶迴文詩

范陽盧某母瑯琊王氏於景龍中撰天寶迴文詩凡八百一十二字誠其子曰吾民之後兩密記之若逢天道之朝過非常之主當以其圖上獻至玄宗朝東平太守始上之高通代為之表

安祿山反兆

安祿山城雄武扼飛狐塞王忠嗣上言祿山且亂此忠嗣之先識也時祿山以蘄為巢穴恐河東之勁兵擣之飛狐塞則兵無從入矣大同鎮志

飛狐今之黑石嶺也宣天入中原惟有二門居庸直其後紫荆當其前由後必于雞鳴由前必于飛狐

安祿山將反前數日某大將千餘人宴齊甚厚滿廳施山川險易攻取剽劫之勢每人付一圖令曰從某處會洛陽有違者斬諸將承命莫敢出聲及至洛陽悉如其畫出聞鼓吹

畢炕



唐平太守畢炕拒安祿山城陷覆其家唐書附其父畢構傳不見於忠義傳溫公通鑑亦失書楊慎

### 李林甫詩

李林甫贈韓席侍郎詩按予秉公直虛薄忝文昌

### 王維

王右丞維因其父官司馬徙家汾州然寔祔人也 明萬曆間祁閻氏築宅忽地陷得髻觀宛然中有甕枕上有剔銀燈詞乃右丞父沈金喜信作也邑人李無言倡祁上同志歛錢改厝譚元春嶽歸堂集

成化間北京大內厚載門有丹漆巨楹以支北扉久矣楹偶墮

地破乃髹竹也中藏卷三其一王右丞圖山水呈 上覽明日賜大監黃賜用細練高尺二寸長四尺奇前後周完未正書曰王維製

### 端正樹

玄宗發馬嵬至扶風道上有石楠樹圍一愛玩久之呼為端正樹 孫景安社塗記馬嵬人名於此築城以避難未詳何代人姚萇時扶風王駢以數千人保馬嵬改城

興平縣南二十五里有楊妃塚又有馬嵬改城馬嵬改驛馬嵬泉楊妃塚前有王如粉人謂之楊妃粉

### 金帶補



玄宗幸蜀偶值村婦解金帶賜之至今名其地金帶補  
時詩村婦是何人贏得天子帶還愛玉奴不恤中原害

內臣妻

高力士妻 氏 李輔國妻吏部侍郎元希聲姪女又內侍妻  
王氏墓志王孟諸僕

于闐國王勝

肅宗時于闐國王勝入朝讓國于弟曜身留宿衛三十年生子  
甄曜上書以國還甄天子遣之勝止不遣

南霽雲

貴州多祠南霽雲名曰黑神或曰霽雲死為神王南嶽政南人

祀之子承嗣清江郡太守多善政今思州隋清江也 燕記

于休烈

于休烈為太常少卿兼脩國史於時經大盜後史籍燔燹休烈  
奏國史寶錄等書二千八百篇藏興慶宮燕蕩皆盡請下御史  
覈史館所由求府縣有得者許上送官一書進官一資一篇補  
一匹凡數日止獲一二有常述以其家藏國史百三千篇上獻

孝經

孝經開元中刪閨門一章以劉炫偽之也朱文公定孝經收不  
是較疏一章

佛經

棠林外索



隋大業時佛經六千一百九十八卷唐開元時五千四十八卷  
宋雍熙初增新經凡九千五百卷

春秋

趙啖曰春秋明白如日月簡易如天地

寒食

開元初初寒食上墓近代墓祭蓋出于此

却郎夢

却郎呂仙祠馬攀龍記云按枕中記開元中呂翁經却郎道中  
授盧生枕而呂純陽或云生于德宗貞元戊寅或云文宗開成  
始舉進士游長安相距遠甚祠中乃像鍾離翁泪純陽為非是

或又謂盧之炊黍就枕之夢與純陽炊黃粱未熟之夢相似本  
一事也訛而為二然亦不可攷矣

八關齋會石幢

歸德唐之宋州也有八關齋會報德記石幢顏真卿書在改開  
元寺中會昌間寺廢因毀幢之半後刺史崔倬摹刻之幢形八  
面頂如覆釜其記宋州刺史為河度節度因神功建神功拔李  
岑解宋州之圍也

常應物

常蕪州少以三衛郎事玄宗豪縱不羈玄宗崩始折節務讀書  
改其逢揚開府詩少事武皇帝上賴特恩私身作里中橫家藏



亡命兒。朝持檮蒲局。暮竊東隣姬。司隸不敢捕。五在白玉墀。一字都不識。飲酒肆頑癡。韓子蒼

元結

元魯山山居阻水絕食而死。王元之小畜集

杜甫詩籤

射洪陸使君廟以杜詩為籤極靈。陸游渭南集  
蜀人以釜為然杜詩荆扉生蔓州王銍冷陳煙。

花卿

杜子美贈花卿詩錦城絲管日紛紛。半入江風半入雲。此詞祇  
應天上有。人間那得幾回聞。趙子櫟田古歌詞載林鍾宮小調

入破第二云錦庭絲管晚紛紛。半入靈山半入雲。此曲多應天  
下有。人間能得幾回聞。按花卿名敬定劍南節度崔元遠之末  
將也黃山谷曰楊明叔為余言花卿塚在丹稜之東館鎮至今  
有英氣血食其鄉見封為忠應公

王母鳥

杜子美郊壇歌子規夜啼山竹裂。王母晝下雲旂翻。宋中官陳  
秀和在宣和間掌禽苑言蜀中貢王母鳥狀如燕色紺翠尾甚  
長飛則尾開鷓鴣如兩旗。

小寒食

小寒食見杜詩



李伯禽

貞元五年李白子伯禽為嘉興乍浦下場雜監官侮慢神廟以死太平廣記

蔡汝

晉江蔡汝貞元中進士按歐陽詹登第為闕破荒蓋馮韓文公歐陽生哀詞而舊志載汝先歐登第未知何年闕書

私白

唐時諸道進私白闕中為集社宣猷未為福建觀察使每寒食遠吏分祭其先龍時謂宣猷為勅賜墓戶私白者闕兒也

僧懷濬

福州僧懷濬有上懷州刺史詩二首家在闕中東復東其中歲歲有花紅。如今不在花紅處。花在舊時紅。房紅。家在闕中西復西。其中歲歲有鶯啼。如今不在鶯啼處。鶯在舊時啼處啼。此詩似竹枝詞類今吳歌然却有三百篇之旨

韓家莊

吏侍鉅鹿耿裕考韓文公家莊在懷慶府孟縣西十里孟本唐河陽政城在孟縣南十八里唐末蔡河陽置孟縣國初因之為孟縣公是河陽人生有歸河陽者墳墓之文及亦墓于是皇甫是撰公墓碑云歸河陽韓氏先塋則公為河陽人本無疑者何以此訛為南陽人孟南字即河字之誤抄錄者之過也公集中言



河陽者不丁竟無一語及南陽公豈忘本耶又縣東有韓莊韓  
湘塚則公世居于是而云他何也

修武縣東北三十里曰南陽縣韓文公之故里也居人呼其地  
曰韓店又曰韓村愈自上世居此按李翱為愈作行狀曰昌黎  
人而愈亦嘗自稱昌黎又皇甫湜為愈作墓志銘不言鄉里李  
白作愈父仲卿去思碑曰南陽人嗣後剽賊舊唐書列傳亦曰  
昌黎人蓋本諸行狀而歐宋新書亦增曰鄧州南陽人蓋本諸  
去思碑而誤加鄧州二字也昌黎古韓氏通稱如李必曰隴西  
崔必曰博陵孫必曰樂安身今修武之韓店有愈墓存焉則愈  
之為修武人明矣河南通志

永平府昌黎縣西五里韓愈高祖以上之墓地自其曾祖恭任  
曹州司馬因家於河陽子孫不渡在此永平府志

### 大顛

韓退之問大顛曰師春秋幾何大顛提數珠示之曰晝夜一百  
八退之惘然問首座曰和尚言晝夜一百八意旨如何首座叩  
齒而已他日復見大顛問曰晝夜一百八意旨如何師亦叩齒  
于是退之自喜曰今知佛法無二道也時大顛即名首座問信  
然即杖而逝之汾陽照禪師偈曰解展机鋒是大顛明知不是  
小因緣一般叩齒叢林異出險韓公始得閑 談遷曰此僧家  
假托昌黎弄誣大顛也昌黎問年如吾輩平常寒暄非問佛法



也在大顛自寔告正不必作如許伎倆若槩如此則名緇之前  
指不得一閑語矣且昌黎為寔人果有此蒼伊且笑而置之叩  
首座何為

韓木

潮州無椽木韓文公植椽於韓山移其種之他山不椽也王人  
名椽曰韓木郭子章身草

退之像

晏公嘗于昌黎見韓退之像與歐陽永叔絕類故目永叔為韓  
再來

茶仙

杜牧之詩誰知病太守猶得作茶仙宋涪州僧永建茶仙亭

綠野堂

裴香公綠野堂乃李龜年故第後傳至宗王且不取張齊賢市  
之

陽城驛

商州南山陽城驛元禎貶江陵過之不忍呼其驛改為避賢郵  
白樂天在翰林聞而和之又見在紫微富水驛注富水驛舊名  
與陽諫議同王元之集

孫樵家僮

孫樵家僮犀角鳳兒見祭高諫議文

棗林外索



白雪樓五容

鍾祥縣石城下白雪樓下臨江李時守郡時畫五禽壁間鶴曰  
仙容孔在曰南容鸚鵡曰西容鸞鷲曰雪容白鷗曰閑容

釋道英

釋道英戒德克全名振天邑住寺在布政坊咸亨中見鬼物寺  
主慧簡嘗曰晚見二人不談入英院焉簡怪而問之英曰向  
者秦莊襄王使一傳語飢虛甚久以師大慈欲望排食并從者  
三百人勿辭勞也吾以報云後日晚具饌可來專相候身簡聞  
言以酒助之及期果來侍從甚嚴坐食倉皇謂英曰弟子不食  
八十年矣英問其故荅曰吾滅東周絕姬嗣或責以功德惟以

故宥矜恤博獨塞之終為未補福少罪多受對未畢今此一餐  
更四十年方復得食因歷北座上云此是白起王翦為殺害多罪  
報未終又云此陳軫以虛詐政

英曰王何不從人索

食而甘虛腹此奚可忍乎王曰慈心人少吾緣貴人不可妄行  
樂禍所以然也垂去謂英曰甚感傷費厭厭弟子有少物即送  
相續城東通化門外尖塚鏡上而高大吾樓神之所世人不  
知妄云呂不韋塚身英曰往遭赤眉開發何有物來曰賊取不得  
曰貧道非發邱中即出家人無用物必勿將來言訖長揖而去

董召南故里

壽州安豐鄉古屬縣唐董生召南故里其地多陂池好田物產



饒政老長者稱說董生猶能傳其行事

賈島

房山縣南十里石樓村有唐詩人賈島墓又景州西南五十里賈島村一曰賈島峪

吐蕃

唐憲宗時吐蕃使其中書令尚驕心兒攻燉煌刺史周禹嬰城固守請救回鶻踰年不至都知兵馬關朝殺禹自領州事守城者八年出綾一段換麥一斗存者甚衆朝喜曰可以死守又二年糧械皆盡登城呼曰如毋徙他境請以城降驕心兒許諾於是出降自攻城至是十一年州人皆改服臣虜歲時祀祖父

衣中國之服號勸而藏之

穆宗時遣大理卿劉文鼎出使吐蕃道成紀武川以至龍支城者老十人拜且泣問天子安否言因從軍戰沒于此今子孫未忘唐服朝廷尚念之乎兵何日來言已皆嗚咽問之豐州之人也

石經

文宗太和七年石刊九經并孝經論語爾雅共一百五十九卷字樣四十卷開成二年告成今在西安文廟碑洞中

門墩

唐盛時京師開遠門外立墩云去西安九千九百里以示戎人



不為萬里行

偽書

白樂天先有秦中吟及百部判皆為書肆市賣題其卷云白才  
子文章後輩好偽作余詩傳流諸處自到會稽已有入寫官詞  
百首篇及雜詩兩卷皆云是余所撰及手勘驗無一篇是者  
樂天子翰林中書取書詔批荅詞等撰為程式禁中號曰白樣  
每有新入學士求請寶重過千六典也以上俱元微之詩目注

甲門

近世不以勳賢之胄為令族而以嵩盧澤李為甲門見元稹送  
王師範詩註

度外星辰

交廣間南極浸高北極浸低圓規度外星辰至衆大如五曜者  
數十皆不在星經元氏長慶集詩註

錢塘公館詩

龍溪周匡物錢塘公館詩萬里茫茫天塹遙秦皇底事不安橋  
錢塘江口無錢過又阻西風兩信潮按施有吾亦此詩天塹茫茫  
連沃焦秦皇何事不安橋錢塘渡口無錢納已失西風兩信  
潮

六詠

蔡雋詔越新詔浪寄詔鄧朕詔施浪詔蒙舍詔

棗林外索

五十五



星命

李虛中最高深于五行書韓文公志其墓

命書本于都利聿斯經都利益都賴也西域康居城雷都賴水  
上則今所傳聿斯經者婁羅門術也李弼乾寔婁羅門伎士而  
羅喉計都亦胡梵之語

軌車卦影

軌車卦影見宋類苑今術家畫休咎或龜或鸚鵡印出以為驗

崔鶯

予于粵西見李唐給事撰滎陽鄭府君夫人博陵崔氏墓志銘  
云夫人四德兼備六親雍和母儀內則動靜可思禮行詩諷進

止成法以大中九年正終于其奧年七十有六子六人珣珪

玘璿璵皆有名位其志瘞久矣成化間畊者得諸廢塚塚璿之鄭

氏為中亭香案石又若干年而魏縣令愛其迹置之邑治陳仲

醇又以其文刻之古文錄曰崔氏一辱于元微之會真記再辱

于伶工戲狎棄侮越千百載而後為崔氏一洗冰玉之恥然予

疑崔氏未嫁失身于元思有冰玉可洗其後見三水續志云崔

復文美麗絕世才德踰人元稹以中表親相逢逆旅挑之固拒

不從稹銜後後之恨為為會真記自撰往來問荅書以辱崔氏

其後居位論者及此事于章疏此足信哉稹與樂天齊名稱元

白居易始終以直道與天子爭可否而稹附離權勢排陷裴度



等諸君子而難于辱一婦人乎。會真記文絕佳而風流事又為  
人喜談樂道孰為洗之吁嗟千古以來正士之被傾賢女之被  
玷者不少矣。馮時可稗談

元微之任醉詩一自柏臺為御史。二年辜負兩京春。峴亭今日  
顛醉舞。引紅娘亂打人。

### 薛濤井

成都府錦江南岸舊名玉女津水極清剛。今入蜀王邸內環以  
欄楯人不敢汲專備製箋之用。歲三月三日汲水造箋二十四  
幅入貢止四幅餘留藩郡以魏時貴。今皆他日造未必三月三  
日也。市肆間絕無買者。

### 唐曹因墓志銘

君姓曹名因字師大世為都陽令祖父皆任唐高祖朝唯君三  
舉不第安命樂道絕墨自守及卒于長安道朝士里人无不  
息予獨不然慰其母曰百畝足養百卷足遺縱浪大化將戲小  
兒死生聚散萬古常。身何足掛靈府哉予周氏君室也歸君  
八載思至義篤故贈之銘。曰其生也天其死也天達人觀  
哀復何言。

### 陷虜子孫

肅宗初名邊兵赴難吐蕃因陷河西隴右華入百萬皆陷于虜  
文宗時嘗遣使至西域甘涼瓜沙等州人夾道迎泣曰皇帝猶



念陷番人氏否其人皆天寶陷虜者子孫其語言稍變而衣服猶不改

呂岩

呂岩蒲州永樂縣人會昌中再舉進士不第遇鍾離子得道河東呂陽曰岩謂之孫海州刺史讓之子咸通中擢進士第

東都九老會

前懷州司馬安定胡杲年八十九 衛尉卿致仕馮翊書收年八十八 前磁州刺史廣平劉真年八十七 前龍武軍長史滎陽鄭據年八十五 前侍御史內供奉官范陽盧真年八十三 前永州刺史清河張渾年七十七 刑部尚書致仕白居易

易年七十四 秘書丞兼諫河南尹盧真以年未及七十雖與會而不及列會昌五年三月二十四日會東都履道坊各賦七言詩四首詩一章

麒麟草

元和時館閣湯飲詩待學士者煎麒麟草

早藕

大曆中高郵民張存以踏藕為業嘗于坡中見早藕大如臂極力掘之深二丈大至合抱似不可窮乃斫之中得一劍長二尺色青無刃存不知寶郡人有知者以束薪易獲焉其藕無絲州志



石孝忠

石孝忠者生長韓魏間有膂力少時偷雞狗州里苦之後折節事李愬前驅元和中天子用裴丞相征蔡愬與元顏重簡皆受丞相節制明年蔡平刑部侍郎韓愈撰碑專歸功丞相孝忠見其文大恚怒因作力推其碑吏不能斗及執詣節度使命具獄將斃之碑下孝忠度必死乃佯卧地若不勝按驗狀吏就詰之孝忠伺隙用伽尾拉殺之上聞之使送闕下及至問曰汝推碑殺吏何為對曰臣死未足塞責今得面天顏一言亦族無憾臣事李愬歲久平蔡之日臣在軍前吳秀琳蔡之奸賊愬降之李祐蔡之驍將愬擒之爪牙脫落而無濟縛今刻石紀功盡歸丞相而愬名第與元顏重簡遠愬固無言不幸更有一淮西其將如愬者復肯為陛下用乎賞不當功罰不如罪非陛下所以勸人也臣惟碎石能推明愬績亦將為陛下正賞罰之源臣不推碑無以為吏擒臣不殺吏無以見陛下臣死不容時矣請就刑帝既得淮西本末且多其義遂赦之因命曰忠烈復召段學士撰碑如孝忠語

羅隱集

舉直禪師

舉直禪師懿宗子僖宗弟杖錫游揚州以太平倉地請于朝詔建鎮國禪院居之仍賜號舉直後薨于院隅立浮屠五級元豐末發藏及隨得函柩全骨不解朕若鈎鎖俄見舍利發并光入



驚異之揚州志

中包胥廟悞

劉琰在江陵易伍子胥祠曰中包胥之廟宋于潛梅聖俞在蜀毀鄧艾祠更祠諸葛武侯

聖米

僖宗乾符六年二月秦州筦內四縣生聖米天如茨實

普聞禪師

邵武軍龍湖普聞禪師僖宗太子也幼不茹葷長無經世意僖宗鍾愛之然百許陶寫終不能回中和初僖宗幸蜀師斷髮遁遊人無知者造石霜問道言下頓首辭去至邵武城外見山巒

然深秀遂撥草至起烟處有一苦行居焉苦行見師至乃曰上公當興此長揖而去師居十餘年一日有老人拜謁師問何往至此何求老人曰非人也龍也住在此山行雨不職上天有罰當死願垂救護師曰得罪于帝我何能力雖然可易形以來俄失老人所存視坐旁有小蛇延緣入袖至暮雷電震山風雨交作師危坐不傾連日晴霽垂袖蛇墮地去有頃老人拜泣曰自非大士慈悲腥穢此山矣今何以報即穴岩下古泉為他日多衆之設當時龍湖人聞其事施舍財力相與建寺衲子雲趨師闡化三十餘年臨寂聲鐘說偈而逝塔于本山謚貞覺禪師登元會考唐史僖宗年二十有七而崩其年蜀之年方二十一安得



有子長無經世意又能斷髮遠道者或唐諸王孫借太子之名  
出家耶

### 林慎思續孟子

林慎思字度中長樂人自校書郎至水部郎中萬年縣令黃巢  
寇長安迫以偽祿不屈罵賊死慎思謂孟子七篇非其所著書  
而弟子所記不能盡孟子意因傳其說演而續之作續孟子又  
有紳蒙子書

### 羅隱

唐末羅隱乞食晉江縣羅蒙山下山下人侮之隱乃画馬面石  
每夜出食人未追之則見馬復入石山下人乃礼焉隱為画橋

繫馬、不出至今其跡瞭然好事者力錫深刻欲與之報不久  
漫滅也又晉江縣石壁山石刻深窟一如画馬石跡亦傳

莆田縣大柑山南至崎頭二里許有羅隱廟故老云昔海中浮  
大木數百盡錫羅字鄉人獲而鑿之愈鑿愈明相顧驚異數日  
見一人戴冠黃袍屹立山下曰我羅仙也行來居此言訖不見  
鄉人為立廟南唐封无澤王海高祈風分帆南北

閩書

### 奚冠耳面

幽州節度使張仲武奏破奚北部落及諸山寨除舊奚王匿即  
所營外殺膠首領丁壯老幼并殺擄牛羊焚燒車帳器械等計  
二十萬刺史以下面皮一百具耳二百隻

李商隱代作表



楊筠松

唐末楊筠松與僕都監俱諳陰陽隸司天監黃巢亂時楊竊秘書中禁術及僕自長安走贛州寧都懷德鄉以其術傳里人廖氏

皮日休

廣明末皮日休避難徙會稽依錢氏官太常博士子元業事吳越拜相見尹師魯皮子良墓志 唐書日休以著作佐郎出東

閩陷賊以識文被害誤甚

陸游老學菴筆記

香奩集託名

香奩集和凝作託名韓偓

張瑰及弟

唐末詔錄名士方干等賜張瑰及弟

乾陵

温韜徧發諸陵唯乾陵風雨不可發此事至今猶然絕不可解于慎行雜記曰嘉靖戊申先君作吏隴右道出乾州其工人言過武則天陵不可指議如有謾語輒以雷雨報之先君弗信為一詩詆之云、出門正晴行不數里雷雨大作無可依泊得道旁郵舍牛豕滿中不得已一駐車焉仲兄無妄年甫十七再過其地為賦一詩詆之其詞不記行至道中亦遭風雨十年虐焰猶能作腥臊氣豈別是一種妖魂死而不忘者耶



塚鬼上書

高軒發古塚取執竟成都羅城鬼趙吞現形上書曰趙氏之冤  
博膺入夢良天之狂披髮叫天有怨必仇無道則易流于往史  
載在前天番一介游魂九泉固象德不勝身禱不勝人無廟貌  
于世界遂沉函于泉壤自蒙天譴便掌冥司伏審渤海高公全  
君毀香墳闕謫居冥府天賜佳城平生無戰伐之仇解后起誅  
夷之譽得不撫銘而慎志託孤翰以伸懷伏希端公俯念無  
依回垂有鑒特于萬維免此一杯倘全馬鬣之封敢忘龍頭之  
庇

朱葆光

南陽朱葆光以朱全忠篡唐與唐舊臣顏茂季煮數輩挈家南  
渡寓潭州每正旦冬至必序立南岳廟南望拜慟殆二十年

通腸米

唐末孫儒之亂斗米四十千金玉換易僅得撮合謂之通腸米  
至于金玉換通腸米而不可得南楚新聞

如京使

梁改太倉使曰如京使取魯孫之度如坻如京也

康王重瞳

梁朱全忠子友敬日重瞳

契丹辨壘



石晉出帝重寶降契丹德光上表獻玉璽金印契丹得璽以為  
製作非不與前史所傳者异命延照等還報求真璽出帝以狀  
荅曰頃王從珂自然于洛陽玉璽不知所在疑已焚之先帝受  
命玉工製此璽在位諸臣皆知之乃已

### 孫印

唐末左拾遺奉化孫印遭朱溫篡唐著春秋無賢人下世論即  
脫冠服布衣以終署書記年志用甲子

### 內黃

梁太祖幸河北至內黃問李璉曰何謂內黃璉曰河南有外黃  
下黃故此名內黃太祖曰外黃下黃何在璉曰秦有都尉理外

黃其故墟在今雍邱下黃為高齊所廢在今陳留太祖平生不  
愛儒者聞璉語大喜

### 李崇禮

唐莊宗弟名崇禮封薛王值郭崇謙之亂匿名避難樂延安山  
水留居焉結廬抗口罄囊金以賑貧乏病革出封語示人人始  
知其出處宋淳熙中鄉人祀之廟曰永慶

### 王審知

閩王王審知以五月五日死閩中以五月四日作節福州按五  
代史審知以十二月死非五月也

王審知墓在蓮花峰下宣德四年盜發獲金珠七篋有司仍復



修治

王延鈞母家

惠安縣南靈秀山閩王王延鈞母家在焉母黃姓審知聘女為  
 妃及延鈞僭號追崇曰后龍啟二年十一月癸丑延鈞來謁黃  
 氏家廟次日晚起問黃家人曰夜來窓風剪瓦霜積地如  
 斯時暫乎常乎有克宗者對曰茲地濱海遇秋之日如城郭之  
 冬也延鈞乃命沿海居民屋瓦悉得黏土泉屋黏瓦始自王延  
 鈞明王世懋閩部疏云漳泉間燒瓦皆黃色郡人以海風飛  
 瓦奏請用筒瓦民皆儼然如黃屋蓋行即使者徒問之隸人與  
 卒何以得其土風故寔耶又江右鍾允復初登第夢作一縣

中都是黃瓦不知何祥也尋銓晉江令閩書

劉隱祖

劉隱祖安仁上蔡人也後徙閩中商賈南海因家焉父謙為廣  
 州牙將謙三子曰隱台龔知是故寓居而安也龔音唐敦仁有  
 復劉從効問龔詩伏羲初畫卦蒼氏乃製字點畫有偏傍陰陽  
 音協比古者不嫌名周人始稱諱始諱猶未酷後習轉多忌或  
 援他代易或變文迴避濫觴以滋蔓傷心日益熾孫休命子名  
 吳國尊王意韋商憲昇解韋顯寔焚昇吳後踵已非時亦迹舊  
 事說然目其蜀閩是其二節我仇管名陋矣越豈義大唐有  
 天下武后擁神器私制迄無取右音寔相類率盧回因星感忌



屋丙堂。在園及學處。作史難詳。備唐祚值傾危。劉龔懷備。嗟焉蛟革。睥睨飛龍。龔儼雖同音。形體殊乖致。廢學媿未弘。未問不棄。奇字難雄博。搗文伏韓智。因爾鄙所聞。敢布諸下吏。

### 吳越改元

歐陽修作五代史。謂吳越儀衛名稱多如天子。惟不改元至著。十國世家云。閩之故老亦嘗稱帝。改元而事無可改。獨得其封。落星石為寶石山。制書稱寶正六年辛卯。身按辛卯即唐明宗長興二年。又至正中。海鹽古墓有志。磚為吳越將許俊志。稱寶正二年。又寶泰元年。羅隱新城縣記。癸未歲癸未。乃唐莊宗元

年。以此見吳越之改元審矣。董穀碧里雜存

宋時王順伯收臨安府古碑。有尸屋崇化寺。幢題天寶四年。明慶寺。幢題天寶五年。九里松觀音尊勝。幢題寶天二年。水月寺。幢題寶正元年。招賢寺。幢題寶正二年。小明慶金牛。瑪瑙寺。九幢。皆題寶正。貢院橋柱。題寶正六年。至武肅王薨。遺命去國。用藩鎮法。臣事中國。然則天寶、大寶、正三。名皆僭號也。湖志

### 吳越僭史

吳越僭史。錢氏諱佐。故以左為右。凡官名。左字者。悉改為右。此書所謂工右者。乃左右也。陸游跋

錢武肅王諱石。榴為金櫻。茄子為落蘇。



吳越貢道

吳越王錢氏貢中國由海上達登萊凡三千里

南唐程式

廬江伍喬舉進士第丁命勒喬程文于以為永式

南唐劉仁瞻像

宋王旒游金陵昇元寺見房壁有繪金紫大夫像上題詩曰陣前金牌生無媿。故下蠻奴死餘羞。三尺生絹暗塵土。凜然霜鶴欲橫秋。旒不能解捲画歸示其父平甫曰此劉仁瞻像袁世弼詩也漁隱叢話

孟賓

唐末孟賓詩那堪雨後更聞信。絕重湖路十千。憶昔故園楊柳岸。全家送上渡頭船。見王元之小畜集

胡嶠陷虜記

歐陽脩五代史述同州印陽令胡嶠為遼蕭翰掌書記隨入其國當周廣順二年亡歸道其所見云自幽州西北入居庸關明日又西北入石門關。路岹狹。一天可以當百。此中國控扼契丹之險也。又三日可汗州南望五臺山其峰最高者東臺也。又三日至新武州西北行五十里有雞鳴山明日入永定關。唐改關也。又四日至歸化州。又二日登天嶺。西望冥然黃雲白州不可窮極。同行者皆慟哭欲絕。明日再行。所見多奇異草木迂



徐數月乃至榆關至儒州又皆漢地矣信嶠所云則教州往返程計甚多以今考之武州即為歸化儒州偏近可乎自古俱為百里不出二百間而嶠云云蓋來自異域出奇談以誇示中國身博洽如文忠顧輕信之耶夫周廣順去石敬瑭時頗近而汴都去居庸亦止二千餘里乃所傳聞固已如此况南宋去仁宗之時武夷去西陲之地視此更加纒繞無怪蔡沈書傳有鳥鼠山之誤也嗚呼中國之士一淪異域中國人遂視為天窀于闕則凡胡元時海外必將扶我中國而我聖祖開乾坤之功誠萬世所當繹思云宣府鎮志

### 喬元陸執

喬元陸執襄漢人任周為殿侍東三班宋祖受禪自宣禪門入守者拒勿納乃自門入既即位召宣禪門守者皆自殺太祖大驚趨救之得不死者二人詢之乃喬陸也改班長人以青紅二色帛為帽飾二人既出復自殺太祖義之命立祠祀之南渡後立廟于杭州杭州府志

### 宋初藏書

宋初無為軍一道士多書如唐人文集無不備又浮屠慧遠收古入簡牘宋朝自開國至宗觀間凡各臣及高僧筆跡無不備

### 宋世宗二子

宋世宗二子宋太祖分賜功臣潘美尚書盧諤各子之俱冒



其姓馮元成集

孟景男

蜀王孟昶降宋入朝再過眉州漾濞一宮嬪有孕昶出之祝曰  
若生男孟氏尚存後果生男

樊若水

南唐樊若水北走宋江南皆知其獻南征策或請誅其母妻李  
煜不敢但羈至池州其後若水自陳母妻在江南朝廷命煜護  
送厚遣之

王彥昇餒死

王彥昇字元烈蜀人徙居長安工擊劍為軍校以推戴太祖當

受禪時太祖惡其專殺韓通止授原州都巡檢彥昇驚極奮夷  
或犯法人有不愜意者自持其首齧食其耳然番夷震懼莫敢  
犯後餒死汴京

宋制

禁中處分事付外謂之內批又謂之御筆皆內夫人代筆而所  
謂御寶批者或上批或內夫人批皆用御寶惟親筆則上親書  
押字不必用寶宋制惟兩府得賜金帶佩魚謂之重金

宋科目惟進士及九經五經開元禮三史三禮三傳學究明經  
明宗諸歲舉為常然諸科賜第者後復應進士舉則進士尤重  
也政建隆初禮部設進士及諸科皆秋解冬進禮部春考試合



格及第者列名放榜于尚書省不第者仍候秋解凡進士試詩賦  
論各一首策五道論語十帖對春秋或禮記墨義十條凡九經帖  
書一百二十條對墨義六十條凡五經帖書八十帖對墨義五  
十條凡三禮對墨義九十條凡三傳一百一十條凡開元禮凡  
三史各對三百條凡學究毛詩對墨義五十條論語十條爾雅  
孝經各十條周易尚書各二十五條凡明法律令四十條五經  
并用毛詩之制各開經引試通六為合格諸州以判官試進士  
錄事參軍試諸科試諸科見任官號鎖廳試試所屬先以名聞得  
旨解惟詞賦者許帶切韻玉篇而稽攷籍察素行嚴互保連  
生之添挾書口授有禁不稱恩師門生則通諸科皆科先是將

赴貢院臺閣近臣得荐所知名曰公荐乾德初禁之覆試殿試  
省試之八月皆始于開寶中殿試加論一首而以三題為準  
榜分三甲皆始于太平興國間嘉祐二年與殿試者始免斥落  
治平間始定三年一開科神宗始罷諸科併于進士熙寧三年  
始頒經義式取士而殿試專策分五甲為後以凡貢于鄉而試  
于禮部或廷試不錄者積舉教而參以年臨軒日得別籍名以  
奏被許附試謂之特奏名學校則內舍生間歲一試補上舍上  
舍生積校已優舍試又入優等謂之兩優釋褐中選者即命以  
京秩除學官元豐中元舍添上舍生得免秋解重和元年始有  
武舉之科宣和中推行元豐舍法于諸路于是縣有免解進士



未幾廢南渡以後科目互為變更然其取人不過經義論策詩賦而已紹興元年又有宗子正奏附進士之選

張岳忠安縣志云余觀宋場屋士習之變考其是非得失與國相盛衰自嘉祐至開寶士氣淳厚中間文體雖早弱險怪然無敢為私學曲說以亂之治平熙寧以後乃有國是說倡于新法和于紹述蔓于和議而極于偽學士有一言不合國是者則指以為怪妄斥逐禁錮無餘力於是薦進之士莫不翕然從之而宋之國事亦且變而南渡變而臣虜變而之闔之廣不可為矣推原其故士大夫爭私意其上學術不明人心蠹壞其禍乃至此極豈非後來永鑒耶

宋制賜進士第命中書行詞其書初鄉貢進士姓某則南省第一人也

宋制大比之歲每州皆有貢院郡州士子皆得入試

### 留鎮賜第

宋初革五季之患各諸鎮節度會于京師賜第留之分命朝臣出外列郡號權知軍州事軍謂兵州謂民也

### 曹彬殺鍾倩

曹彬為周太祖張貴妃從子世掌內職其克南唐學士鍾倩朝服坐于家彬兵及門舉族无遺

### 改姓

東林外索



陶穀原姓唐因避石晉諱而改真德秀原姓慎因避孝宗諱而改丘雜組

水灌太原

太祖攻北漢引汾水浸太原城自城門入有積草自城中聽出塞之會暑雨軍士多疾乃班師王師已去繼元決城下水注之臺駘澤水已落而城多摧圮契丹使者韓知瑞時在太原歎曰王師之引水決城也知其一而不知其二若知先浸而後圍則并人無類矣

土司世姓

楊延昭初名延朗延廣初名文廣以三世復有文廣故諱之今

播州宣慰司楊氏之祖

開寶中宋景陽以軍功累官節度使平定西南夷詔就大萬谷落開撫管府夷人安之遂世爵其地歷十四世曰阿重始任元改順元等處軍民宣撫使開治于貴州又三世曰欽官至昭勇大將軍順元等處都元帥明初內附拜貴州宣慰司世為

定七夕

太宗太平興國二年七月詔七夕嘉會著于令甲今之習俗多用六日非舊制也宜復用七日且名為七夕而用亦不知自何時唐世無此說必出于五代身洪邁容齋三筆

戟門

棠林外索



建隆間始立戟稱戟門

鄉墨

唐宋明經帖書墨義許公呂夷簡應本州鄉舉試卷墨義十餘條如云作者七人矣請以七人之名對則對云七人某也謹對有云見有禮于其君者如孝子之養父母也請以下文對則對云下文曰見無禮于其君者如鷹鷂之逐鳥雀也謹對有云請以註疏對者則對云註疏云謹對有不能記憶者則只云對未審其上則具考官批鑿如所對善則批一通字所對誤及未審者則批一不字見東陽呂氏家塾刊本

王禹偁與馮伉書

禹偁讀唐史見陸忠州之在相位也擯斥李吉甫不容于朝及有南賓之貶而吉甫方為刺史贊之門人政吏亦皆危之洎到貶所而吉甫待之頗厚有廢僚見宰相禮又贊皇公之秉鈞也排逐牛僧孺有循州之謫及德裕南遷奇章公量移在汝贊皇路由此郡而僧孺接之情禮甚至為道南方風土之宜殊不以向之嫌隙為意賢哉二君子之操心也如是豈古之所謂以德報怨者耶禹偁向以紫微郎兼廷尉事亦嘗疑閣下之過今有商於之命而親友間往往相言誠以閣下通理是郡也禹偁則獨以為不然且夫以怨報怨皆私事也政雖睚眦必報矣今禹偁於閣下議刑公事也閣下豈以為怨乎雖禹偁之名位才業



望忠州贊皇也遠矣而閣下讀書為文立身行事豈不知吉甫  
僧孺之為人乎望閣下觀古人之行敦同年之契窮愁之中少  
假氣誦則遷客之幸也高頓首

### 李煜被禍

李煜歸朝為左散騎常侍遷給事中太宗一日問徐鉉曾見李  
煜否鉉對以臣安敢私見之上曰卿第往但言朕令卿往相見  
可矣鉉遂往望門下馬但一老卒守門徐求見卒言有旨不得  
與人接豈可見也鉉云我乃奉旨來見老卒往報徐入立庭下  
久之老卒遂入取舊椅子相對鉉遙望見謂卒曰但正衙一椅  
足矣頃聞李主紗帽道服而出鉉方拜李主遽下階引其手以

上、鉉力辭賓主之禮李主曰豈有此禮徐引椅少偏乃敢坐後  
主相持相笑既坐默不語忽長吁嘆曰當時悔殺了潘佑李平  
鉉既出有旨再對而後主何言鉉不敢隱遂有秦王賜牽機藥  
之事又後主在賜第七夕命妓作樂鼓聞于外太宗聞之大  
怒又傳小樓昨夜又東風及一江春水向東流白併坐之遂被禍  
云

### 記殘經

南臺古刹有佛書教百卷多唐季五代時所書字畫精動歷  
可喜按大藏經目凡五千四百卷今所存纔十一首尾可讀者  
又無幾也阿含經四卷恭寧軍節度使齊克讓造法正華經一卷  
棠林外索



乾符六年女弟子牛妙音書大涅槃般若共三十卷武寧軍節  
度使朱友恭造友恭全忠養子李彥威也毗茶耶雜事一卷德  
妃伊氏造唐莊宗次妃後有印章曰燕國夫人伊氏蓋未進封  
時所制也其餘中折橫裂虫鴟鼠齧而敗塵腐無復完綴想夫  
飄散蹂藉炷燈拭案補壞惟塞漏者又不勝其數也 李昭北

### 輕賦

吳越錢氏賦歛無藝而浙惟害及宋除吳越三衢江漢臣為鎮  
海軍節度判官上十三州函籍于有司謂仍其舊是屬其民無  
已也遂沉其籍于河坐是損弃終身後命王方贊更定其賦配  
稅一斗民始聊生

### 異獸

太平興國九年嵐州獸一角似鹿無斑角端有肉性馴石散騎  
常侍徐鉉等驗以為麟春秋曰麇身而有角者麟也春秋感精  
符曰麟一角者明海內同一主也

至和 年交趾獻麟如牛而大通身皆大鱗首有一角攷之記  
傳與麟不類當時有謂之山犀者然犀不言有鱗語欲謂之麟  
則慮夷獠見欺不謂之麟則未有以質之止謂之異獸今以予  
觀殆天祿也按漢靈帝中平三年鑄天祿蝦蟆於平津門外注  
云天祿獸名今鄆州南陽縣北宗資碑旁兩獸鑄其膊一曰天  
祿一曰辟邪其獸有角鬣大鱗如手掌南豐曾阜為南陽令題



宗賁碑陰云二獸膊之所刻燭製作精巧高七八尺尾鬣皆鱗甲莫知何象而名此也今詳其形甚類交趾所獻異獸知其必天祿也夢溪筆談

嘉祐三年六月丁卯交趾貢異獸二稱麒麟狀如牛身被肉甲鼻端有角食生芻藁必先以杖擊其角始牛食樞密使田況辨其非麟詔止稱異獸司馬光有賦

### 楊繼業

宋時楊繼業出代州攻遼耶律邪軫擒之初繼業至狼牙村心惡之欲避不可得既禽三日死

### 手畢

宋子京郊別紙多曰伏承手畢南人謂筆為畢因效之黃山谷

### 宦尼

宋初大臣家女多為尼如平章趙普女

右衛上將軍宋偓女開寶皇后妹也為比丘尼法名惠圓

### 制科

制科分五等虛一二等而以下三等取士終宋入一等五人吳育蘇轍范百祿蘇軾雖入三等而為考官所駁後降四等李廌四等

### 梁灝

梁灝太宗雍熙二年廷試第丁真宗景德元年以翰林學士知

棗林外索



開封府暴卒年四十二子固亦進士第一至直史館年三十一  
宋史

俗傳梁顥年八十二登第謝啟謬 談遷曰龍溪縣志林天年  
字春卿年八十二以書義再領鄉荐謝啟有云減伏生之八歲  
加太公之二年後不赴南宮都延為州學正年九十耄矣日與  
生徒討論未見書終老於湖中

### 王昭遠

阜城王昭遠微時里祀里神昭遠適至有以博戲授之謂曰汝  
他日當有節鉞試擲以下之昭遠一擲六箇皆赤後歷天雄軍  
都部署知府事贈太尉謚忠和

### 玉等子

宣和殿有玉等子以五色玉次第排定凡玉至則以等之都陽  
叔官游  
紀聞  
乘世

### 鄉舉

鄉舉初無定制仁宗治平以後始歲一行皆從本州發解應試  
婺州士子多而解額隘三歲止解七人崇寧頒三舍于學歲解  
七人宣和五年復科舉三歲解十四人景定二年增解額三十  
名預選者為鄉貢進士其在漕司應試者解額頗寬士入仕  
舍鄉貢而度漕謀得預選者為漕貢進士又太學三舍生過科  
舉仍自發解預選者為國子進士此外復有隆興混試朱子曰



今日倡為混補之說者多為溫福處娶之人而他州不與焉非獨敷州際競而他州廉退也勢使之然耳蓋言解額之不均也時又有該恩免解而徑上禮部者然以上諸科赴禮部不第則並為韋布而無斗祿之需 金華府志

### 古成之

廣州古成之居羅浮力學不倦登梁顯榜第二預聞之有張某嫉居其上召飲成之密置啞藥酒中比旦臚唱呼不能應上怒扶出或勸自明其事成之曰司命有定非人所能與也入服其量

### 腹兄

翰林學士李宗諤送從表兄詩呼為腹兄見弇州集不知何所據

### 呂蒙正王室

呂文穆微時於洛龍之龍門利涉院王室中與溫仲舒讀書今傳破窳祖此也

### 三至堂

陳克佐三守廬州曰三至堂 楊深淳化中守安慶天聖中子

為通判元豐間孫希元又守郡凡三至安慶 魏國太夫人

陳氏龍圖閣直學士從易之女內翰蘓紳之妻而丞相頌母也

從易紳頌皆嘗守杭夫人三至杭即題曰吾從父至此中與

素林外索



吾天借來今同吾兒凡三閱江山之勝

天子門生

贛縣王奇游京師真宗偶見其所作詩召見賜第奇作詩不拜  
春官為歷王親逢天子作門生

同名丁謂

晉公丁謂當國患安吳謂浩然文詞俊邁不肯避其名遂斥外

終屯田負外郎

葉武

邵武葉武子宏秋閣修撰善易學嘗曰易道莫大乎時有二  
義有在外之時有在我之時士君子出處真論在我之時然後

論在外之時

冠準柘枝舞

冠萊公好柘枝舞會客必舞柘枝每舞必盡日時謂之柘枝顛  
鳳翔有一老尼猶是萊公時柘枝伎云當時尚有數千遍今日  
所舞柘枝比當時十不得二三老尼尚能歌其曲好事者往往  
傳之沈括









